

窮通寶鑑

窮通寶鑑卷上

楚南余星堂先生鑒定

繡谷余春臺編輯

五行總論

五行者。往來乎天地之間而不窮者也。是故謂之行。北方陰極而生寒。寒生水。南方陽極而生熱。熱生火。東方陽散以泄而生風。風生木。西方陰止以收而生燥。燥生金。中央陰陽交而生濕。濕生土。其相生也。所以相維。其相尅也。所以相制。此之謂有倫。火爲太陽性炎上。水爲太陰性潤下。木爲少陽性騰上。而無所止。金爲少陰性沉下。而有所止。土無常性。視四時所乘。欲使相濟得所。勿令太過弗及。夫五行之性。各致其用。水者其性智。火者其性禮。木其性仁。金其性義。惟土主信。重厚寬博。無所不容。以之水則水附之而行。以之木則木托之而生。金不得土。則無自出。火不得土。則無

自歸。必損實以爲通。致虛以爲明。故五行皆賴土也。推其形色。則水黑。火赤。木青。金白。土黃。此正色也。及其變易。則不然。常以生旺從正色。當生旺。則正氣全。可見正色。死絕從母色。水者木之母。死絕則黑。木者火之母。死絕則青。火者土之母。死絕則赤。土者金之母。死絕則黃。夫五行死絕。則氣歸根。見母之色。凡人遇苦楚呻吟呼母者。卽此之義也。成形冠帶從妻色。少壯之年。及衰老之際。仰妻之時也。病敗從鬼色。病敗之地。鬼旺之鄉。受尅則氣歸鬼。旺墓從子色。旺傳。墓爲收斂。其數則水一。火二。木三。金四。土五。生旺加倍。死滅半。以義推之。夫萬物故色在子。其數則水一。火二。木三。金四。土五。生旺加倍。死滅半。以義推之。夫萬物負陰而抱陽。冲氣以利。過與不及。皆爲乖道。故高者抑之使平。下者舉之使崇。或益其不及。或損其太過。所以貴在折衷。歸於中道。使無有餘不足之累。卽才官印食貴人駟馬之微意也。行運亦如之。識其微意。則於命理之說。思過半矣。

論木

木生騰上而無所。土氣重則欲金任使。木有金則有惟高惟斂之德。仍愛土重。則根蟠深固。土少則有枝茂根危之患。木賴水生。少則滋潤。多則漂流。甲戌乙亥。木之源。甲寅乙卯。木之鄉。甲辰乙巳。木之生。皆活木也。甲申乙酉。木受尅。甲午乙未。木自死。

甲子、乙丑、金尅木。皆死木也。生木欲火而秀。丙丁亦然。死木得金而造。庚辛必利。生木見金自傷。死木得火自焚。無風自止。其勢亂也。遇水返化其源。其勢盡也。金木相等。格謂斲輪。若向秋生。反爲傷斧。是秋生忌金重也。陰木重火。舌辨能言。生於春。餘寒尤有。喜火溫暖。別無盤屈之拘。藉水資扶。而有舒暢之美。春初不宜水盛。陰濃則根損枝枯。春木陽氣煩燥。無水則葉摘根乾。是以水火二物。既濟方佳。土多而損力。土薄則才豐。忌逢金重。傷殘尅伐。一生不閑。設使木旺得金則良。終身獲福。夏月之木。根乾葉燥。盤而且直。屈而能伸。欲得水盛。而成滋潤之力。誠不可少。切忌火旺而招焚化之憂。故以爲凶。土宜在薄。不可厚。重厚則反爲災咎。惡金在多。不可欠缺。缺則不能琢削。重重佳木。徒以成林。疊疊逢華。終無結果。秋月之木。氣漸淒涼。形漸凋敗。初秋之時。火氣未除。尤喜水土以相滋。中秋之令。果以成實。欲得剛金而修削。霜降後不宜水盛。水盛則木漂。寒露節又喜火炎。火炎則木實。木有多材之美。土厚無已任之能。冬月之木。盤屈在地。欲土多而培養。惡水盛而忘形。金熄多不能尅伐。火

重見溫煥有功。歸根復命之時。木病安能輔助。須忌死絕之地。只宜生旺之方。

三春甲木論

春月之木。漸有生長之象。初春猶有餘寒。當以火溫暖。則木無盤屈之變。土多變尅。有損精神。重見生旺。必用庚金斲鑿。可成棟樑。春末陽壯。木渴藉水資扶。則花繁葉茂。初春無火。增之以水。則陰濃氣弱。根損枝枯。不能華秀。春末失水。增之以火。則陽氣太盛。燥渴相加。枝葉乾枯。亦不華秀。是以水火二物。要得時相濟爲美。

正月甲木。初春尙有餘寒。得丙癸透。富貴雙全。癸藏丙透。名寒木向陽。主大富貴。倘風水不及。亦不失儒林俊秀。如無丙癸。平常人也。或一派庚辛。主一生勞苦。尅子刑妻。再支會金局。非夭卽貧。如無丙丁。一派壬癸。又無戊己制之。名水泛木浮。死無棺槨。如一派戊己。支會金局。爲才多身弱。富屋貧人。終身勞苦。妻晚子遲。或無庚金。有丁透。亦屬文星。爲木火通明之象。又名傷官生財格。主聰明雅秀。一見癸水傷丁。但作厚道迂儒。或柱中多癸。滋助木神。傷滅丁火。其人奸雄梟險。曹操之徒。言清行濁。笑

裏藏刀。若庚申戊寅甲寅丙寅。行金土運。發進士。或甲午日庚午時。此人必貴。但要好運相催。不宜制了庚丁。或支成金局。多透庚辛。此又不吉。號曰木被金傷。若無丙丁破金。必主殘疾。或支成火局。洩露太過。定主愚懦。常有啾唧。災病纏身。終有暗疾。支成木局。得庚爲貴。無庚必凶。若非僧道。男主鰥孤。女主寡獨。正二月甲木。素無取從。才從殺從化之理。支成水局。戊透則貴。如無戊制。不但貧賤。且死無棺木。故書曰。甲木本無根。全賴申子辰。子得才殺透。平步上青雲。凡三春甲木。用庚者。土爲妻。金爲子。用丁者。木爲妻。火爲子。總之。正二月甲木。有庚戊者。上命。如有丁透。大富大貴之命也。

二月甲木。庚金得所。名陽刃架殺。可云小貴。異途顯達。或主武職。但要才資之。運柱中逢才。英雄獨壓萬人。若見癸水。困了才殺。主爲光棍。重刃必定遭凶。性情橫暴。書曰。木旺宜火之光輝。秋闈可試。木向春生。處世安然有壽。日主無依。却喜運行才地。

甲午丁卯甲寅丁卯。此造富而不貴。運入南方凶。兩干不雜。木火通明。爲人清雅。子多而賢。

戊寅甲寅甲辰乙亥 孝廉。

己未丁卯甲戌庚午 庚丁兩透。選拔定然。爲人色重。招殃。兄弟無力。

甲申丙寅甲寅庚午 茂才。

三月甲木。木氣相竭。先取庚金。次用壬水。庚壬兩透。一榜堪圖。但要運用相生。風水陰德。方許富貴。或見一二庚金。獨取壬水。壬透清秀之人。才學必富。或天干透出二丙。庚藏支下。此鉞斧無鋼。富貴難求。若有壬癸破火。堪作秀才。或柱中全無一水。戊己透干。支成土局。又作棄命從才。因人而致富貴。妻子有能。或見戊己。及比劫多者。名爲雜氣奪才。此人勞碌到老。無馭內之道。女命合此。女掌男權。賢能內助。若比劫重見。淫惡不堪。或支成金局。方可用丁。不然三月無用丁之法。惟有先庚後壬。取用書曰。甲乙生寅卯。庚辛干上逢。離南推富貴。坎地却爲凶。

乙丑庚辰甲申丙寅 此命乏丁。喜運入南。方富貴不大之命。

丙寅壬辰甲辰庚午 尙書命。

丙寅壬辰甲辰丁卯 此命用丁乏丁。常人也。

壬午甲辰甲寅戊辰 四柱木旺金缺。非僧道。卽無子。

四月甲木退氣。丙火司權。先癸後丁。庚金太多。甲反受病。若得壬水。方配得中和。此人性好清高。假裝富貴。卽蔭襲顯達。終日好作糊亂。善辨巧談。喜作詩文。此理最驗。如一庚二丙。稍有富貴。金多火多。又爲下格。或癸丁與庚齊透天干。此命可言科甲。卽風水淺薄。亦有選拔之才。癸水不出。雖有庚金丁火。不過富中取貴。異途官職而已。壬透可云一富。若全無點水。又無庚金丁火。一派丙戊。此無用之人也。

丁卯乙巳甲寅乙亥 明府

丙午癸巳甲戌甲子 大貴

丙午癸巳甲子丙寅 此命火土熬乾癸水。行午運損目。後作乞丐。

五六月甲木一理共推。木性虛焦。五月先癸後丁。庚金次之。六月三伏生寒。丁火退氣。先丁後庚。無癸亦可成。五月乏癸用丁亦可。要運行北地爲佳。凡用神太多。不宜尅。

制。湏洩之爲妙。五六月甲木木盛。先庚。庚盛先丁。五月癸庚兩透。爲上上之格。六月庚丁兩透。亦爲上上之格。用神旣透。木火通明。自然大富大貴。或丁火太多。癸水亦多。反作平人。總之五六月用丁火。雖運行北地。不致于死。却不利運行火地。號曰木化成灰。必死。行西程又不吉。號曰傷官遇殺。不測災來。惟東方則吉。北方次之。此五六月用丁之說也。或滿柱丙火。又加丁火。名曰傷官最奇。反成清貴。不見官殺。謂之傷官傷盡。定主才學過人。科甲有望。但歲運不宜見水。若柱中有壬水。運又逢水。必貧夭死。若柱中多金。名曰殺重身輕。先富後貧。運不相扶。非貧卽夭。或庚多有一二丙丁制伏。又有壬癸透干。泄金之氣。此又爲先貧後富。或四柱多土。干上有乙木。切勿作棄命從才。但凡木火傷官者。聰明智巧。却是心同心異。多見多疑。雖不生事害人。每抱忌妬之想。女命一理同推。時月兩透己土。名二己爭合。男主奔流。女主淫賤。見二甲則不爭矣。亦屬平庸之輩。或四柱有辰。干見二己二甲。此人名利雙全。大富大貴。若在六月。名爲逢時化合格。以癸水爲妻。丁火爲子。若二己一甲爭合。取支中

比劫爲用。見辰支。以甲爲用。壬癸爲妻。甲乙爲子。其餘用庚者。土妻金子。用丁者。木妻火子。女命以妻作夫。用作子。十干皆同。或是己土不見戊乙。乃爲假從。其人一生縮首。反畏妻子。若無印綬。一生貧苦。六月尤可。五月決不可。

丁巳丙午甲寅丙子 年月丙丁兩透。支中有癸。土運大發。官至侍郎。

甲辰辛未甲子辛未 兩干不雜。專用丁火。一生富貴。

乙巳癸未甲子戊辰 支成水局。困了丁火。雖主富貴。乏子。

丁卯乙巳甲辰庚午 庚丁兩透。進士。

甲申辛未甲戌丙寅 庚金得祿。官至尙書。

辛巳乙未甲戌戊辰 女命。三嫁。乏子。

三秋甲木。木性枯槁。金土乘旺。先丁後庚。丁庚兩全。將甲造爲畫戟。七月甲堪爲戟。非丁不能造庚。非庚不能造甲。丁庚兩透。科甲定然。庚祿居申。殺印相生。運行金水。身伴明君。或庚透無丁。一富而已。主操心太重。不能坐享。或丁透庚藏。亦主青衿。小富。

或庚多無丁。殘疾病人。若爲僧道。災危可免。或四柱庚旺。支內水多。不作棄命從殺。見土多可作從才而看。庚多無癸。壬水亦多。戊己亦多。此則專用一點丁火。方可制金。以養羣土。此命大富。丁藏富小不顯。丁露定作富豪。得二丁不坐死絕。必然富貴。雙全。卽風水不及。亦可富中取貴。納粟奏名。或癸疊疊制伏丁火。雖滿腹文章。終難顯達。得運行火土。破癸略可假就功名。歲運皆背。刀筆之徒。支成土局。戊己透干。制去癸水。存其丁火。又可云科甲。但此等命。主爲人心奸巧詐。好說爭非。因貪致禍。奸險之徒。決非安分之人也。

乙未甲申甲子乙亥 孝廉辰運終。

七月甲木。丁火爲尊。庚金次之。庚金不可少。火隔水不能鎔金。丁火故可鎔金。必賴甲木引助。方成紅爐。若有癸水阻隔。便滅丁火。壬水無礙。且能合丁。但須見戊土。方可制水存火。

丙午丙申甲寅丁卯 用庚金。行戊運。連捷。庚運轉侍郎。

己亥壬申甲戌丁卯 茂才。

戊午庚申甲寅丙寅 縣令。丑運去官。

八月甲木。木囚金旺。丁火爲先。次用丙火。庚金再次。一丁一庚。科甲定顯。癸水一透。科甲不全。丙庚兩透。富大貴小。丙丁全無。僧道之命。丙透無癸。富貴雙全。有癸制丙。尋常之人。支成火局。可許假貴。戊己一透。可作富翁。或支成金局。干露庚金。爲木被金傷。必主殘疾。得丙丁破金。亦主老來暗疾。或支成木局。干透比劫。反取庚金爲先。次用丁火。

乙未乙酉甲子丁卯 丁火高照。太守。

庚寅乙酉甲子丁卯 支藏丙火。時逢乙丁。參政命。

乙巳乙酉甲子甲子 朱文端公造。

丙戌丁酉甲寅丁卯 孝廉。卯運終。

九月甲木。木星凋零。獨愛丁火。壬癸滋扶。丁壬癸透。戊己亦透。此命配得中和。可許一

榜。庚金得所。科甲定然。或見一二比肩。無庚金制之。平常人也。倘運不得用。貧無立錐。一命甲辰甲戌甲辰甲戌。身伴君王。富貴壽考。此爲天元一氣。又名一才一用。遇比用才。專取季土。或見庚丙。可許入泮。白手成家。用火者。木妻火子。子肖妻賢。或四柱木多。用丙用丁。皆不足異。專用庚金爲妙。凡四季甲木。總不外乎庚金。譬如木爲犁。能疏季土。非庚爲犁嘴。安能疏土。雖用丙丁。癸庚決不可少也。九月却不取土。妻金子。當取水妻木子。凡甲木多見戊己。定作棄命從才而看。從才格。取火妻土子。或見一派丙丁傷金。不過假道斯文。有壬癸破了丙丁。技藝之流。無壬癸破火。支又成火局。乃爲枯朽之木。有庚亦何能爲力。定作孤貧下賤之輩。男女一理。或有假傷官。得地逢生。此正合甲乙秋生。貴宜元武之說。用水制傷官者。以金爲妻。水爲子。或丁戊俱多。總不見水。又爲傷官生財格。亦可云富貴。此格取火爲妻。土爲子。或甲多庚透。大貴。庚藏小貴。或柱中多庚。則又以丁爲奇。富貴人也。或庚申年丙戌月甲申日壬申時。此主功名顯達。有文學。若無庚丙年月。又無火星出干。雖曰好學。終困名。

場。九月甲木。專用丁癸。見戊透必貴。如戊戌壬戌甲子甲申。支成水局。干有壬水。又立貴元武之說。配得中和。一榜之命。家計豐足。但庚丁未透出干。不能館選。

壬午庚戌甲午庚午 庚丁兩旺。一品當朝。

庚戌丙戌甲戌戊辰 武庠。富而且壽。

己丑甲戌甲子甲子 乏庚。丁火入墓。早貧賤。晚景大發。但庸人耳。

甲乙比肩。又逢比劫。連主兄弟劫財爭訟。刑妻損子。甲乙生正二月。無制無洩。主長髮師姑。

十月甲木。庚丁爲要。丙火次之。忌壬水泛身。須戊土制之。若庚丁兩透。又加戊出干。名曰去濁留清。富貴之極。卽乏丁火。亦稍有富貴。或甲多制戊。庚金無根。平常人也。庚戌若透。雖出比劫。必定壽而富。或多比劫。只一庚出干。坐祿逢生。乃爲捨丁從庚。略富貴。或支見申亥戊己得所。以救庚丁。可許科甲。若單己透。其力弱小。不過貢監而已。用庚土妻金子。用丁木妻火子。

己巳乙亥甲子甲子 金土得位。官至一品。

壬辰辛亥甲戌丙寅 專用戊土。先貧後富。

辛丑己亥甲辰壬申 此爲燈火發劍。異路恩封。妻賢子肖。

戊辰癸亥甲子乙亥 庚出天干。止流水。號曰六甲趨乾。官至副使。

壬辰辛亥甲子己巳 化土失令。略有衣食。但孤寡多疾。

十一月甲木。木性生寒。丁先庚後。丙火佐之。癸水司權。爲火金之病。庚丁兩透。支見巳寅。科甲有准。風水不及。選拔有之。若癸透傷丁。無戊己輔救。殘疾之人。或壬水重出。丁火全無者。庸人也。得丙方妙。或支成水局。加以壬透。名爲水泛木浮。死無棺木。總之十一月甲木爲寒枝。不比春木清茂。而取庚丁。無丁見丙。不過刀筆異途武職。有驗。用庚土妻金子。用火木妻火子。

乙亥戊子甲寅甲子 印綬格。

丙子庚子甲午丁卯 庚丁兩透。又加丙除寒氣。位至王侯。

乙巳戊子甲辰庚午 大將軍命。

乙巳戊子甲辰壬申 一派水局。申運溺死。

十二月甲木。天氣寒凍。木性極寒。無發生之象。先用庚劈甲。方引丁火。始得木火有通明之象。故丁次之。庚丁兩透。科甲恩封。庚透丁藏。小貴。丁透庚藏。小富貴。無庚者貧賤。無丁者寒儒。或有丁透重重。亦是富貴中人。但須比肩能發丁之醜。自有德業才能。如無比肩。尋常之士。稍有衣食而已。或支多見水。卽有比肩。亦屬平常。總之臘月甲木。雖有庚金。丁不可少。乏丁略可。乏庚無用。經云甲木無庚。男女夭壽。

己丑丁丑甲辰甲子 此命有丁不貴。因支下多水。濕木火不生。饑。

癸亥癸丑甲午乙亥 孤貧。壽至百歲。

己亥丁丑甲戌庚午 才旺生官格。庚丁兩透。火又會局。鼎甲。

己丑丁丑甲辰癸酉 癸水傷丁。貧而且賤。

己丑丁丑甲辰庚午 富貴雙全。因午中丁火幫助月干也。

三春乙木爲芝蘭蒿草之物。丙癸不可離也。春乙見丙。百花向陽。萬象回春。須癸滋養根基。丙癸齊透天干。無化合制尅。自然登科及第。故書曰。乙木根莖種得深。只須陽地不宜陰。漂浮只怕多逢水。尅制何須苦用金。

正月乙木。必須用丙。因天氣猶有餘寒。非丙不暖。雖有癸水。恐凝寒氣。故以丙火爲先。癸水次之。丙癸兩透。科甲定然。或有丙無癸。門戶闡揚。或丙少癸多。又爲困丙。終爲寒土。或癸已多見。爲濕土之木。皆下格。或丙多乏癸。名曰春旱。獨陽不長。濁富之人。用丙者。木妻火子。用癸水見火多者。金妻水子。

丁丑壬寅乙卯丙子

貴在子時。尙書。

戊子甲寅乙亥己卯

歸祿格。丙癸得所。官至大學士。

甲寅丙寅乙卯庚辰

御史。

二月乙木。陽氣漸升。木不寒矣。以丙爲君。癸爲臣。丙癸兩透。不透庚金。大富大貴。或天干透庚。支下無辰。不能化金。得癸透養木。亦貴。若見水字。則爲假化。平常人也。或支

成木局。有癸透。乃作貴命。更得丙洩木氣。上上之命。但須透癸。或水多困丙。多戊化癸。皆下格。用丙者。木妻火子。用癸者。金妻水子。二月乙木。專用丙癸。

壬午癸卯乙丑己卯 此乃夾祿格。貴小富大。但子女多刑。

甲寅丁卯乙未丙子 此乃曲直格。加丙照臨。官至總兵。

癸亥乙卯乙未庚辰 曲直仁壽格。奈無東方運。一介寒儒。

丙子辛卯乙卯丙子 出將入相。

亥卯未逢從甲乙富貴無疑。木全寅卯辰方功名有准。活木忌根之鐵。支下有庚辛。戕賊其根。則木朽矣。

三月乙木。陽氣愈熾。先癸後丙。癸丙兩透。不見己庚。玉堂之客。見己庚者。平常之人。或一乙逢庚。不見己者。亦主小富貴。但木顯達。或多水見者。只恐高才不第。見戊堪入異途。或庚己混雜。丙癸全。則爲下格。或見水局。丙戊高透。亦主科甲。或柱中全無丙戊。支合水局。此離鄉之命。又或庚辰時月。名二庚爭合。乃貧賤之輩。如年見丁破庚。

可云從化。亦不失武職之權。或見一派癸水。又有辛金。則作旺看。得一戊己制癸。亦可云小富貴。若一派壬癸。不特貧賤。而且夭折。有一戊己。方云有壽。但終爲技術之人。用癸者。金妻水子。癸多用丙者。木妻火子。

庚午庚辰乙酉丁亥

此作從化格。但不逢時。一富翁耳。

甲寅戊辰乙亥丙子

六乙鼠貴格。丙火高透。戊土制水。官至按院。

丁酉甲辰乙巳甲申

拔貢。但刑妻尅子。兄弟全無。因支中戊土太多。

三夏乙木。木性枯焦。四月專尙癸水。五六月先丙後癸。夏至前仍用癸水。先得丙透。而支下又有丙火。名曰木秀火明。得一癸透。科甲中人。或透二丙一癸。可許探芹。或一派癸水。有丁無丙。平常之人。或一癸透干。異途顯宦。難由科甲。癸居子辰。異路小職。或丙藏支下。癸透時干。己出月上。雖非科甲。異路功名。又或重重癸水。藏支癸水。由行伍功名。

四月乙木。自有丙火。專取癸水爲尊。癸透庚辛又透。科甲定然。獨一點癸水。無金。是水

無根。雖出天干。不過秀才小富。須要大運相扶。或土多困於貧賤之人。丙戌太多。支成火局。瞽目之流。用癸者。金妻水子。四月乙木。專用癸水。丙火酌用。雖以庚辛佐癸。須辛透爲清。

乙逢雙女木傷殘。若見辛金壽必難。不得丙丁來制伏。豈知安樂不久長。

五月乙木。丁火司權。禾稼俱旱。上半月屬陽。仍明癸丙。後下半月屬陰。三伏生寒。丙癸齊用成火局。洩乙精神。須用癸滋。癸透有根。富貴雙全。或庚辛年上。癸透時干。定許科甲。無癸者常人。或見丙透。支成火局。陽焦木性。此人殘疾。無癸必夭。見壬可解。或火土太多。其人愚賤。或爲僧道。門下閑人。或柱多金水。丙火爲先。餘皆用癸水爲先。乙木重逢火位。名爲氣散之文。

六月乙木。木性且寒。柱多金水。丙火爲尊。支成水局。乙得無傷。癸水透干。大富大貴。無癸定作常人。運不行北。困苦一生。凡五六月。乙木氣退枯焦。用癸水。切忌戊己雜亂。則爲下格。或甲木高透。制伏土神。名爲去濁留清。可許俊秀。土多乏甲。秀氣脫空。庸

人而已。或丙癸兩透。加以甲透制戊。選拔定然。若不見丙癸。只有丁火。亦屬常人。有任可充衣食。或柱中無水。又無比劫出干。乃爲棄命從才。富大貴小。能招賢德之妻。從才格以火爲妻。土爲子。或一派戊土出干。不見比印。名爲才多身弱。終爲富屋貧人。或丙辛化水。嫖賭破家。終非承受之兒。或一派乙木。不見丙癸。名爲亂臣無主。勞碌奔波。又加支多辛金。僧道之輩。或一派甲木。無癸無丙。又無庚金。此人一生虛浮。總不誠實。有庚制甲。乃有謀之人。但嗜酒貪花。多慾敗德。不修品行。男女一理。總之夏月乙木。專用癸水。丙火酌用。庚辛次之。

三秋乙木。金神司令。先丙後癸。惟九月專用癸水。恐丙暖戊土爲病也。

七月乙木。庚金兼令。庚雖輸情于乙妹。怎奈于乙難合。支金柱見。庚多乙難受載。或丙透干。又加己出埋金。此柱可云科甲。有己透。加丙亦是。此命七月喜己土爲用。或不見丙癸。己土決不可少。此則以火爲妻。土爲子。或癸透丙藏庚少。此不用己。可許貢拔。無丙有癸透者。不失刀筆門戶。有支下庚多。癸又藏者。無丙己二神。平常人物。或

生辰時。此爲從化。反主富貴。凡化合格。皆以所生之神爲用。化金者。戊爲用神。特忌丙丁煨煉破格。從化者。以火爲妻。土爲子。其餘以金爲妻。妻必賢美。以水爲子。子必克肖。但忌刑沖。凡命皆然。不特此也。

庚午甲申乙卯丁丑富僧。此庚旺無丙之故。

戊午庚申乙丑戊寅知縣。此化格。妻賢子肖。

秋乙逢金。非貧卽夭。秋生乙木忌枯根。根旣枯槁。貧苦到老。

八月乙木。芝蘭禾稼均退。以丹桂爲乙木。在白露之後。桂蕊未開。專用癸水。以滋桂萼。若秋分後。桂花已開。却喜向陽。又宜用丙。癸水次之。丙癸兩透。科甲名臣。或支成金局。宜暗藏丁。無丁制金。恐木被金傷。若無水火。此人勞碌。或得癸水爲子得母。其人一生豐盈。或丙丁兩透。戊土雜出。亦主異路功名。生秋分後。有丙無癸。亦略富貴。若有癸無丙。名利虛花。若四柱不見丙癸。下格。或癸在干。丙透時干。名爲木火文星。定主上達。生於秋分後。或生上半月無癸。姑用壬水。不然枯木無用。必爲貧人。又四柱

多見戊己下格。用癸者。金妻水子。用丙者。木妻火子。用壬者。金妻水子。

甲乙遇強金。魂歸西土。青龍逢兌旺。且賤且貧。乙木生居酉。莫逢己酉丑。富貴坎離宮。貧窮申酉守。木逢金旺已傷。再遇金鄉。豈不損壽。

九月乙木。根枯葉落。必賴癸水滋養。如見甲申時。名爲藤蘿繫甲。可秋可冬。若見癸水。又遇辛金發水之源。定主科甲。或有癸無辛。常人有辛無癸。貧賤。或四柱壬多。水難生乙。亦是尋常之輩。或支多戊土。又透天干作從。看無比劫。方妙。一逢比劫。富屋貧人。用癸者。金妻水子。但子女艱難。季土尅制故也。

甲寅甲戌乙酉丙子

名藤蘿扶甲。癸水得祿。科甲名臣。

辛丑戊戌乙卯癸未

辛癸兩透。水局破。戊行酉運。選拔。位至尙書。

庚辰丙戌乙亥庚辰

支見辰。可云化合。得非其時。孤貧有壽。

十月乙木。木不受氣。因壬水司令。取丙爲用。戊土爲次。丙戊兩透。科甲定然。有丙無戊。雖不科甲。亦入儒林。支多丙火。運入火鄉。亦主顯達。或水無戊乙。性漂浮。流蕩之徒。

若不見丙己。妻子難全。或一點壬水。卽多見戊土。亦爲不妙。得甲制戊。可許能全。但爲人好生禍亂。構訟爭非。男女一理。支成木局。時值小陽。此又如春木同旺。若有癸出。須取戊爲尊。加以丙透。科甲之人。若無丙戊二字。自成自敗。終非承受之輩。

己亥乙亥乙巳丁亥

丙戊祿在己。惜不透干。可許一衿。

戊子癸亥乙酉丁卯

丙戊兩透。御史。

十一月乙木。花木寒凍。一陽來復。喜用丙火解凍。則花木有向陽之意。不宜用癸以凍花木。故專用丙火。有一二之丙火出干。無癸出者。可許科甲。卽丙藏支內。亦有選拔。恩封。得此不貴。必因風水薄。或壬癸出干。有戊制。可作能人。卽丙在支內。亦是俊秀。若壬無戊。貧賤之人。支成水局。干透壬癸。丙丁全無。雖有戊制。貧乏到老。運至南方。稍有衣食。卽有丁火。亦如無丁。乃燈燭之火。豈能解嚴寒之凍。設無丙丁戊己。多見金水。奔流下賤。或有戊己無火。亦屬常人。但不至下賤。或一派丁火。大奸大詐之徒。如無甲引丁。孤鰥到老。丁火見必主麟趾振振。芝蘭繞膝。或成水局。壬癸兩透。則木

浮矣。不特貧賤。而且夭折。得一戊救。方可。冬月乙木。雖取戊制水。不可作用。專取丙火。則可用。火者木妻。火子。用土者火妻。土子。

庚申戊子乙巳丙子

丙戊兩透。詞林。

乙木生於冬至之後。坐下木局。得丙透干者。富貴之造。卽丁出干。亦有衣祿。須忌癸制丁。乙木生於冬月。己土透干。又有丙透。大富貴之造。

十二月乙木。木寒宜丙。有寒谷回春之象。得一丙透。無癸出破格。不特科甲。定主名臣顯官。丙火藏支。食餼必矣。干支無丙。一介寒儒。或四柱多己。不逢比劫。乃爲從才。富比王侯。若見比劫。貧無立錫。或一派戊己。見申頗有衣祿。專以丙火爲用。方妙。

壬午癸丑乙卯辛巳

巳中丙戊得所。一榜。官至太守。

壬午癸丑乙酉辛巳

己酉丑會金局。惜丙不得祿。一富而已。

庚子己丑乙巳庚辰

此名殺重身輕。貧而且夭。

論火

炎炎其火。位鎮南方。故火無不明之理。輝光不久。全要伏藏。故明無不滅之象。火以木爲體。無木則火不長。焰火以水爲用。無水則火太酷烈。故火少則不明。太烈則傷物。木能藏火。到寅卯方而生。火不利西。遇申酉而必死。生居離位。果斷有爲。若居坎宮。謹畏守禮。金得火和。而能鎔鑄。水得火和。則成既濟。遇土不明。多主蹇塞。逢水旺處。決定難生。木死火虛。難得永久。縱有功名。必不久長。春忌見木。忌其焚也。夏忌見土。惡其暗也。秋忌見金。金難尅制。冬忌見水。水旺則滅形。故火欲明不欲炎。炎則不實。秋火欲藏不欲明。明則燥。冬火欲生不欲殺。殺則暗。生於春月。母旺子相。勢力並行。喜木生扶。不宜過旺。旺則火炎。欲水既濟。不愁興盛。盛則沾恩。土多則蹇塞埋光。火盛則傷多烈燥。見金可以施功。縱重見妻才尤遂。夏月之火。勢力行權。逢水則則免自焚之咎。見木助必招夭折之患。遇金必作良工。得土遂成稼穡。金土雖有美利。無水則金燥土焦。再加木助。太過傾危。秋月之火。性息體休。得木生則有復明之慶。遇水尅難免損滅之災。土重而掩息其光。金多而損傷其勢。火見木以光輝。縱疊見

而必利。冬月之火體絕形亡。喜木生而有救。遇水尅以爲殃。欲土制爲榮。愛火比爲利。見金爲難任才。無金而不遭害。天地雖傾。火水難滅。

三春丙火。乘象至威。春回太陽。侮雪欺霜。專用壬水爲扶陽。名曰天和地潤。既濟功成。正月用壬。庚辛爲佐。二月專用壬水。三月土重晦光。取甲佐之爲妙。

正月丙火。三陽開泰。火氣漸炎。取壬爲尊。庚金佐之。壬庚兩透。科甲定然。卽壬透庚藏。亦有異途顯達。若一庚高透。支藏一二丙火。納粟奏名。主爲人慷慨英雄。有才邁衆。或丙少壬多。而無戊制。名殺重身輕。斯人笑裏藏刀。尋非痞棍。或見一戊制壬。反成富貴。宜見一二比肩。方妙。或一派庚辛混雜常人。得月透庚金無辛者。定主清貴。或辛年辛時。名爲貪合。酒色之徒。女命一理。或一片戊土。甲不出干。終非大器。且恐孤貧。正月之丙。忌戊晦光。或支成水局。專取壬水爲貴。無壬癸亦姑用。若壬癸俱無。取戊以洩火氣。但屬平人。或支成火局。又作炎上而推。但不逢時耳。若不見東西歲運。反致孤貧。或四柱有甲木。得庚金暗制。可作秀才。無壬用癸者。略富貴。且官殺亦要。

旺相有根。丙火無壬。多主貧賤。屢徵屢驗。或火多無水。一至水鄉必死。不然定有災咎。惟五月丙火合炎上格。則不喜水破格。用癸無根。定主目疾。用土者金妻水子。用庚者。以土妻金子。

丙午庚寅丙午庚寅

兩間不雜。按察。

庚寅戌寅丙寅壬辰

庚壬兩透。詞林。

癸丙春生。不晴不雨之天。丙日春生。時月出癸。雲霧濛迷。不顯不達。非若壬水輔丙也。若有七殺。須制伏。制伏太過。又主凶。

辛亥庚寅丙子丁酉

狀元。

丁酉壬寅丙子戊戌

假借斯文。先貧後富。但子息艱難。

二月丙火。陽氣舒兆。專用壬水。壬透天干。不見丁化。加以庚辛已亦透。壬水有根。定主科甲。或無壬水。已土姑用。主有才學。雖不能成名。必衣食充足。或丙子日辛卯時。乃從化格。但不逢時。貪才壞印。難招祖業。若得一二重丁火破辛。壬水得位。亦主富貴。

雖不科甲。亦有異途。名傳郡邑。合此格。主妻妾多子。或一派壬水。具一戊制。雖不科甲。亦有恩庇。或無戊透。則有辰戌丑未之戊。但辰宮癸水。貪合成火。不能制土。此平常衣祿。若支下全無一戊。此係奔流之人。加以金多生水。下賤之命。或一派戊土。亦用壬水。運喜行木。見土不祥。行火亦不利。或月時見一辛卯。日乃丙子。名爲爭合。年不透丁制辛。此人昏迷酒色。年透丁火反吉。或支成木局。反因奸得才。因酒得名。凡用壬者。金妻水子。

乙亥己卯丙申己亥 用申中庚壬。 孝廉。

己亥丁卯丙申己亥 武舉但子息惟艱。

三月丙火。氣漸炎升。用壬水。或成土局。取甲木爲輔。壬不可離。壬甲兩透。科甲定宜。惟忌庚出制甲。則秀才而已。壬透甲藏。富大貴小。無甲用庚。助壬水洩土氣。有甲無壬。勞碌濁富。壬藏無甲。一介寒儒。壬甲兩無。愚賤之輩。乙丁雜亂。定必凡夫。用壬者。金妻水子。用甲者。水妻木子。

癸丑丙辰丙午壬辰 壬出天干太守。

辛卯壬辰丙戌癸巳 明經。

三夏丙火。陽威性烈。專川壬水。若亥宮壬水無力。回克洩氣故也。仍用申宮長生之水。方云富貴。四月專用壬水。金爲佐。五月亦專用壬。四五月壬透者富貴。丁多兼看癸水。六月用壬。但借庚金爲佐。

四月丙火。建祿於巳。炎上。宜專用壬水。解炎威之力。成既濟之功。如無壬水。孤陽失輔。難透清光。得庚發水源。方爲有根之水。壬庚兩透。不見戊土。號曰湖水汪洋。廣映太陽。光輝顯著。文明之象。人合此格。不但科甲蟬聯。必有恩謚封榮。若不驗。必暗損陰德。或無壬水。癸亦姑用。見庚透癸。不富必貴。但心性乖僻。巧謀善辨。或壬癸俱無。愚頑之輩。火炎無制。僧道之流。不然須妨夭折。或一派庚金。不見比劫。有富無貴。或四柱多壬。丙午日干。不見戊制。名曰陰刑殺重。光棍之流。或支水局。加之重重壬透。無一制伏盜賊之命。如見己土。下賤鄙夫。用壬者金妻水子。

丁巳乙巳丙子戊戌 庚運鄉魁。

乙未辛巳丙午甲午 炎上格。火臨巳午未之域。官至太師。

庚子辛巳丙寅丙申 申宮壬水。解丙火之炎。申運會元。

五月丙火愈炎。得壬庚高透。方爲上命。或一壬無庚。亦主貢監。猶防戊己出干。丁壬化合。則爲平人。卽不透庚壬。或有申宮長生水濟之。坐祿之金至妙。必入詞林。又有戊己雜亂。則爲異路。或成火局。不見滴水者。乃僧道鰥獨之命。卽有一二癸水。多遇火土。用之無力。瞽目之人。得戊己透洩火氣。亦主刑剋孤寡。行比運多凶。何也。所謂燥烈。水激反凶。或成炎上格。柱遇不見庚辛。多見甲乙者。反主大富貴。然亦不可見水運。或有庚癸透者。衣祿充足。支火輕無目疾。支見水者異途。或成土局。又爲洩太過。得壬滋申出干。土被制而火得生扶。此必富貴壽考之命也。

庚寅壬午丙戌己亥 此命水土破格。難作炎土。取壬水庚金。亦主貴。

戊戌戊午丙午己丑 土晦無光。奴僕。

戊申戊午丙辰甲午 火土混雜。取木制土。壬制火。一勅縣令。

六月丙火退氣。三伏生寒。壬水爲用。取庚輔佐。庚壬丙透。有運相生。可云科甲名宦。若無庚有壬。不見戊出。小富小貴。見戊制壬。則爲鄉賢而已。或己土出干混雜。此必庸夫俗子。或壬水淺。己土出干。其人貧困。無壬下格。賤而且頑。男女一理。或天干一派丙火。陰極生陽。干支兩見庚壬。登科及第。總之六月丙火用壬。不同餘月用壬。喜運行西北。六月用壬。喜運行東南。

壬寅丁未丙申壬辰 一丙見柱。二壬出干。位至尙書。

戊午己未丙戌己亥 名火土傷官用印格。先貧後富。死於亥運。

壬寅丁未丙申壬戌 柔重身輕。爲乞丐而死。

陽火合殺。威權萬里。丁火羊刃。太旺。正謂羊刃倒戈。無頭之鬼。丙火用壬。生旺坐實。方好。忌壬水太多。名殺重身輕。

七月丙火。太陽轉西。陽氣衰矣。日近西山。土晦。惟日照湖海。暮夜光天。故仍用壬水。輔

映光輝。而壬多取戊制方妙。有壬透干。又見戊土出干。可云科甲。如戊藏支內。不過生員。多壬無戊。平常人也。或戊多壬少。亦屬常人。或多壬一戊出制。所謂衆殺猖狂。一仁可化。必主顯達有權。或一派辛金。又爲棄命從才。奇特之造。雖不科甲。亦得恩榮。但多依親戚而爲進身之階。從才者。以水妻木子。

壬戌戊申丙申壬辰

二壬出干。一戊位至太史。

乙未甲申丙申庚寅

才資七殺格。參政。

八月丙火。日近黃昏。丙之餘光。存於湖海。仍用壬水轉映。四柱多丙。一壬高透爲奇。定主登科及第。富貴雙全。一壬藏支。亦主秀才。或戊多困水。則假作斯文。若用壬水。亦可。但功名不久。或見辛透。不能從化。貧苦到老。或見一丁制辛。爲人奸詐。不識高低。女命合此。長舌淫賤。或成金局。無辛出干。此非從才。乃朱門餓葷。如辛出干。不見比劫。此從才格。反主富貴。親戚提拔。妻賢內助。用水者。金妻水子。從才者。水妻木子。

丙子丁酉丙午丁酉 兩間不雜。才資。七杀出將入相。生子時不貴。

丙寅丁酉丙辰丁酉 兩間不雜。位至尙書。

己卯癸酉丙子戊子 傷官生才格。參戎。但刑殺重。卯運陣亡。

九月丙火。火氣愈退。所忌土晦光。必須先用甲木。次取壬水。甲壬兩透。富貴非凡。若無壬水。得癸透干亦可。雖不科甲。異路功名。壬癸藏支。貢監而已。申藏壬透。無庚破甲。可許秀才。或庚戌困了水木。定是庸才。無甲壬癸者。外格。或一派火土。雖不大旺。亦自燥矣。如不離鄉過繼。亦主奔流。加以庚辛壬癸出干。以爲天命。或支成火局。炎上失時。若運入南方。一貧徹骨。用甲者水妻木子。用壬者金妻水子。

己亥甲戌丙子戊子 甲出天干。又逢生地。孝廉。

丙申戊戌丙午戊戌 兩間不雜。支成火局。專用壬水。先貧後富。

戊戌壬戌丙寅壬辰 富大貴小。丙藏壬透故也。

十月丙火。太陽失令。得見甲戌庚出干。可云科甲。主爲人性好清高。斯文領袖。如辛透

見辰。名化合逢時。主大貴。或壬多無甲。乃作棄命從殺。卽不科甲。亦是宦僚。或壬多有甲無戊。却非從殺。宜用己土混壬。總之十月。丙火本旺。宜癸水旺。宜戊火旺。用壬。當宜酌用可也。

甲申乙亥丙戌庚寅 庚甲兩透。戊土得丙廉使。

壬辰辛亥丙戌戊子 孝廉。

辛巳己亥丙子壬辰 此命水多。取己土。大富貴亦壽考。

十一月丙火。冬至一陽生。弱中復強。壬水爲最。戊土佐之。壬戌兩透。科甲可許。無戊見己。異路功名。或無壬水。有癸出干。得金滋無傷。又有丙透。以解凍。可許衣衿。或一派壬。則專用戊土。此人雖不成名。文章邁衆。而名利虛浮。何也。因戊晦光。又須甲木爲藥也。或無壬水。癸亦可用。但不甚顯。或四柱多壬無甲。乃作棄命從殺。亦有云。路有水無甲。有戊。却非從殺。宜用壬去土濁。十一月丙辰。與十月頗同。

辛亥庚子丙寅庚寅 布政。

辛丑庚子丙子癸巳 丙癸見干。小富貴。

辛酉庚子丙戌戊子 金寒水凍。戌時掩光。貧而且夭。

十二月丙火。氣進二陽。侮雪欺霜。喜壬爲用。己土司令。土多又不可少甲。壬甲丙透。科甲堪宜。甲藏則秀才而已。或無甲得一壬透。富中取貴。如見一派己土。不見甲乙。名假傷官。聰明性傲。名利虛浮。或一派癸水。得己出干。必主自創基業。若制伏太過。又取辛金作用。得見癸透。此人卽不成名。必清雅文墨之士。

癸卯乙丑丙午壬辰 總河。

己丑丁丑丙寅庚寅 二甲制土。按察。

乙酉己丑丙寅己丑 木神得祿制土。狀元。

乙巳己丑丙申癸巳 用辛得金局。自手成家。

乙丑己丑丙午庚寅 用甲制己。又庚制甲。拾芥而已。

正月丁火。甲木當權。乃爲母旺。非庚不能劈甲。何以引丁。姑用庚金。得壬化木。弱怨復

生合此必主大貴。但此化合。反不見庚破格爲妙。或有庚金壬癸得己出干制之。此命不由科甲。自有異途。或一派壬癸。不得寅時。又無庚金。必主窮困。或一派甲木。無庚制之。非貧卽夭。或只一甲木。多見乙木者。必離鄉之客。焉問妻兒。或見甲乙生庚子時。又主妻早子早。且可採芹。或丁年壬月。丁日壬時。男主大貴。女則不宜。此格以土爲妻。金爲子。但子女艱難。女命合此。淫賤刑夫尅子。或支火局。無滴水解炎。僧道之命。見甲出畧可。總不可無水。水多亦不宜。

庚辰戊寅丁未壬寅

庠生。酉運終。

辛卯庚寅丁酉癸卯

女命。貧賤。

二月丁火濕乙傷丁。先庚後甲。非庚不能去乙。非甲不能引丁。庚甲兩透。科甲定然。庚透甲藏。亦有生貢。甲透庚藏。異路功名。得印旺殺高。大富大貴。或庚乙俱透。必輸情於乙。未免貪合。運行金水。一貧徹骨。或庚透乙藏。則不能貪合。乙反引丁。卽用乙亦無害。運入木火之鄉。自然富貴。用乙者水妻木子。若盡是乙才。不見一甲。此人富貴。

不久。因貪致禍。弄巧反拙。且不能承先人之業。或一派水。無一戊制。有乙無庚。主貧苦無依。或乙少癸多。有戊出制反吉。用土者。火妻土子。或支成木局。有庚透。主清貴。不見庚者。常人。二月乙木司權。必須有庚。用庚者。土妻金子。

戊子乙卯丁巳丁未 用己中之庚制木位至尙書

丁卯癸卯丁卯庚子 鼎甲

庚辰己卯丁丑甲辰 尙書

三月丁火。戊土司令。洩弱丁氣。先用甲木。引丁制土。次看庚金。庚甲兩透。定主科甲。或一藏一透。終非白丁。或支成木局。取庚爲先。得庚透。丁癸不透。亦有異路功名。或支成水局。加以壬透。名殺重身輕。必夭折天年。或遭凶死。或戊己兩透。廊廟之客。若一甲破土。定是常人。用甲者。水妻木子。用金者。土妻金子。

四月丁火。乘旺。雖取甲引丁。必用庚劈甲。甲多又取庚爲先。伐甲方云。木火通明。但四柱忌見癸水。癸水一見洩庚。濕甲傷丁。故以癸爲病。或癸水藏支。壬水出干制丙。不

奪丁光。自是雁塔題名。玉堂清貴。或有庚無甲。戊透天干。此爲傷官生才。又取戊爲用。必主富貴。戊土出干。不見甲乙。又不見水。是傷官傷盡。人宇清高。但不大貴。亦不大富。見水多木多。定是常人。或四柱多丙。不見壬癸。奪了丁光。此人貧苦。或丁年己月。丁巳日丙午時。一丙不奪二丁。卽不顯達。亦名播四隣。故書曰。丁火陰柔。一燭燈。太陽相見奪光明。柱中若見甲木透。定許身安福自臨。

甲午己巳丁丑乙巳

詞林。

辛酉癸巳丁巳乙巳

此火長夏天金疊疊侍郎。

五月丁火時歸建祿。不宜亂用甲木。遇年透隔位之壬。不貪丁合者。忠而且厚。或支成火局。干見火出。得庚壬兩透者。科甲定然。土透制壬。常人卽壬藏支中。亦非白丁。但要運行西北。方可發達。得一癸透。名獨殺當權。出人頭地。若見寅辰亥三字。化木生火。平常人物。衣豐食足。中年富。但刑剋子息。勞而無功。或丙午月丁未日辛亥時。亥中有壬制丙。不致貧苦。若丙午時。則滴水難救炎火。必主僧道。若年支見子。雖不利。

甲亦有衣衿。若干支無火局。有水透干。須用甲木。又要庚劈甲。方名木火通明。主大富貴。或木少火多。焚其木性。不能光透九霄。榮華不久。或生月是祿。支皆生旺合局。加以火出無滴水解救。乃身旺無依。孤貧之格。女必爲尼。卽運北地。反主凶危。用壬者。金妻水子。用甲者。水妻木子。

庚午壬午丁亥戊申

此建祿會祿。化合不成。大富壽長。

辛巳甲午丁未甲辰

此建祿格。位至總兵。

癸卯戊午丁丑甲辰

用甲引丁。位至尙書。

丙寅甲午丁丑乙巳

甲透庚得所。富貴極品。

丙子甲午丁酉癸卯

殺印相生。大貴。己運盡節。

六月之丁火。陰柔退氣。且值三伏生寒。丁弱極矣。若得甲出天干。支成木局。見亥中之壬。爲財神有根。接引丁火。必然科甲。卽不見木局。支見壬水。雖不大貴。亦有凌雲之氣。無庚不妙。或支成水局。見水透干。則溫木性不能引丁。必爲平人。有甲透。有才幹。

有庚透。無刑傷。若無甲木。假名假利。或年月日時。皆一派丁未之類。此爲純陰。終無大用。用甲者。水妻木子。六月丁火。專取丁火。壬水次之。

丁卯丁未丁未丙午

武進士。

壬子丁未丁巳丁未

丁壬合殺。壬水懦弱無能。妻子主事。

三秋丁火。退氣柔弱。專用甲木。金雖乘旺。司權無傷丁之理。仍取庚劈甲。爲引火之物。或借丙暖金晒甲。不慮丙奪丁光。凡兩丙夾丁者。夏月忌之。餘月不忌。但此格少年困苦刑剋。中年富貴。必要地支見水制丙方妙。三秋甲庚丙並用。仍分優劣可也。七月甲丙。申中有庚。八月甲丙庚皆用。七八月或無甲木。乙亦可用。爲枯草引燈。却不離丙晒也。九月專用甲庚。大抵甲不離庚。乙不離丙。其理極明。或見甲庚丙皆透。必主科甲。無甲用乙者。富貴皆小。且富而不貴者多。或一重壬水。又多見癸水。必以戊土爲制。自然富貴光輝。或一派庚金。名財多身弱。主富屋貧人。妻多主事。或壬多洩庚。丁壬化殺。反成富貴。若庚多無壬。奔流下賤。或八月一派辛金。不見庚金。又無比

規。此棄命從才。富而且貴。雖不科甲。亦有異途。從才者。水爲妻。不尅有正偏。木爲子。不刑。或九月一派戊土。洩丁火之氣。不見甲木。爲傷官傷盡。非尋常可比。或甲木透。出爲文書清貴。秋闈可奪。用甲者。庚不可少。水妻木子。

辛亥丙申丁丑戊申 大富命。

辛亥丙申丁卯戊申 庚甲兩全。會元。

辛卯丙申丁酉丙午 無甲用乙丙。富而不貴。

庚辰甲申丁未丙午 甲庚丙皆透。位至尙書。

庚午丙戌丁未壬寅 支中火多扶丁。得庚丙透。玉堂清貴無疑。

己亥甲戌丁卯丙午 女命甲丙高透。丁火得祿。大富。

壬午己酉丁亥庚戌 此命申戌兩時。主貴。酉時則不能。

丁未己酉丁丑辛亥 從才格。太守。

三冬丁火微寒。專用庚甲。甲乃庚之良友。凡用甲木。庚不可少。無庚劈甲。何能引丁。難

云木火通明。冬丁有甲。不怕水多金多。可稱上格。甲庚透。科甲分明。見已則否。已多合甲。則爲常人。或一丙奪丁。必賴支內水救。若有支金發水之源。官拜烏台。有准。全無癸水制丙。無用之徒。或有金無水。貧寒之士。有水無金。又主清高。或時月二壬爭合。取戊破之。有戊稍有富貴。無戊常人。設戊藏得所。不失衣衿。或二丙奪丁。得年干有癸。支下帶合。金水得所。亦必顯達。納粟奏名。必驗。或仲冬水多癸旺。全無比印。此作棄命從殺。亦有異途功名。見丁比出干。難合格局。常人。且主骨肉浮雲。六親流水。戊出破癸。頗有兄弟妻兒。此格用戊。火妻土子。用甲水妻木子。或四柱多丙丁。又用癸制火。用癸者。金妻水子。三冬丁火。甲木爲尊。庚金佐之。戊癸權宜。酌用可也。

癸亥癸亥丁亥辛亥

從殺格。侍郎。

乙卯丁亥丁未庚戌

正官當權。甲木逢生。庚透壬旺。狀元。

癸丑癸亥丁丑丁未

支成木局。水多。必得誥封晉贈。

庚午己丑丁酉甲辰


身強殺淺。假殺化權。將軍。

庚戌丁亥丁卯癸卯 支成木局。年出庚金。申運登第。

戊子己丑丁未甲辰 地支寒濕得甲戊兩透。侍御。

壬辰癸丑丁巳乙巳 無甲用丙晒。乙爲枯草引燈。有能訟棍。

辛卯辛丑丁卯甲辰 柱無庚丙。乙木寒濕。至乙運身死。



窮通寶鑑卷下

楚南余星堂先生鑒定

繡谷余春臺編輯

論土

五行之土散在四維。故金木水火依而成象。是四時皆有有用有忌者。火死酉也。水旺子也。蓋土賴火運。火死則土困。土喜水才。水旺則土虛。土得金火方成大器。土高無貴。空惹灰塵。土聚則滯。土散則輕。辰戌丑未土之正也。分陰分陽。主則不同。辰有伏水。未有匿木。滋養萬物。春夏爲功。戌有藏火。丑有隱金。秋火冬金。肅殺萬物。土聚辰未爲貴。聚丑戌不爲貴。是土愛辰未而不愛丑戌也。明矣。若更五行有氣。人命逢之。田產無比。晚年富貴悠悠。若土太實無水。則不和燥。無木則不疏通。土見火則焦。女命多不生長。土旺四季。惟戌土困弱。戌多爲人好鬪。多瞌睡。辰未人好食。丑人清省。

丑有艮土。有癸水。能潤而膏。人命遇此。主能卓立。生於春月。其勢虛。喜火生扶。惡木太過。忌水泛濫。欲喜比助。得金而制。水爲祥。金太多仍盜土氣。夏月之土。其勢燥烈。得水滋潤成功。忌旺火煨煉焦赤。木助火炎。水尅無礙。金生水泛。妻才有益。見比有蹇滯不通。如太過又宜木洩。秋月之土。子旺母衰。金多而耗盜其氣。木盛須制伏純良。火重重而不厭。水泛泛而不祥。得比肩則能助力。至霜降不比無妨。冬月之土。外寒內溫。水旺才豐。金多子秀。火盛有榮。木多無咎。再加比肩扶助爲佳。更喜身主康強足壽。

三春戊土。無丙照暖。戊土不生。無甲疏劈。戊土不靈。無癸滋潤。萬物不長。正二月先丙後甲。癸又次之。三月先甲後丙。癸又次之。因戊土司權故也。凡甲丙癸三者齊透。必主一品當朝。或二透一藏。亦登金榜。二藏一透。也可異途。正二月卽有甲癸。若無丙除寒。如萬物生而不長。故無丙者。富貴艱辛。或有丙無甲癸者。名曰春旱。如萬物生而多厄。無甲有癸。一生勤勞。勞而無功。或一派丙火。有甲欠癸。先否後泰。或支成火。

局不見壬癸。僧道孤貧。癸丙藏貴。壬透者富。用水者。要審水之多少。或一派水木。無丙常人。得一庚透方妙。或支成木局。甲又出干。又有庚透。富貴雙全。或無庚金。又無比印。難作從殺。定主遭凶。不然必爲盜賊。若日下坐午。不得善終。或一派乙木爲官殺會黨。卽有庚從。却難制乙。此人內奸外直。口是心非。加一甲在內。無庚。必懶惰。自甘好食無厭。或丙多甲多。宜以癸庚參用。三月戊土司令。不見丙甲癸者。愚而且賤。甲癸透者。科甲。丙癸透者。生員。甲癸俱藏者。只可云富有。癸異途。若丙多無癸。旱田無水。不能種苗。舊穀旣沒。新穀未登。此先富後貧之造。或火多有壬透者。先貧後富。癸透先賤後榮。壬藏不過食足。癸藏不過名傳。卽此亦須運美。或支成火局。得癸透者。富貴天然。壬透富貴辛苦。何也。癸乃天上甘霖。壬乃江河波浪。所以有勞逸之殊。支成木局。又甲乙出干。此名官殺會黨。官殺無去留之義。得一庚透。掃除官殺。亦主富貴。無庚乃淺薄之人。宜用火洩木氣。有一命丁未。癸卯。戊寅。乙卯。癸丁透干。加以戊癸化火。將官殺暗焚。反得武科探花。或木多無比。印透作從殺而論。亦富貴。或有

比印。專看癸透。取癸而成貴格。無癸無火無金。名為土木自戰。主腹中疾病憂愁。艱苦。用甲者水妻木子。用丙者木妻火子。

丙寅庚寅戊辰庚申

丙癸甲會成七殺格。一大將軍。

癸未乙卯戊寅丙辰

丙癸透甲藏。侍郎。

癸未乙卯戊寅壬子

丙甲得所。壬癸透干。一榜。

己未戊辰戊寅甲寅

殺印相生格。探花。

辛卯辛卯戊寅壬子

女命兩癸得所。旺夫無子。

四月戊土。陽氣發升。寒氣內藏。外實內虛。不畏火炎。無陽氣相催。物不長。故先用甲疏。劈。次取丙癸為佐。丙透甲出。廊廟之材。丙癸俱透。科甲之士。即透一位。支藏得所。終非白丁。若一派丙火。為火炎土燥。僧道之流。得一癸透壬藏。功名相准。化合成局。無破。富貴非輕。或支藏癸。衣食充足。但骨肉多刑。或支成金局。干出癸水。此為奇格。正是土潤金生。即不為桃浪之客。定有異路恩榮。此用癸水。金妻水子。

辛亥癸巳戊午丙辰 化合逢時名貴玉堂。

癸丑丁巳戊午丁巳 癸水雖出年干。乏甲疏土。秀才而已。

五月戊土。仲夏火炎。先看壬水。次取甲木。丙火酌用。用癸力微。壬甲兩透。名君臣慶會。自然桃浪先聲。權高位顯。又得辛透年干。官居一品。一命辛未甲午戊寅壬子。甲壬兩透。印旺殺高。出將入相。名播四夷。若支成火局。卽透癸水。不能大濟。是一杯水。難濟車薪火也。人命合此。卽好學不倦。亦不能成名。且主目疾。若得壬水出干。則非此比。又或土木重重。金無滴水。僧道孤貧之輩。用壬者。金妻水子。

六月戊土。遇夏乾枯。先看癸水。次用丙火甲木。再次癸丙兩透。科甲中人。或有癸無丙。見甲可許秀才。無甲略富。或有丙無癸。假道斯文。衣食頗足。或癸透辛出。以刀筆之財。可謀異路。無辛丙者常人。若又無甲。下賤之輩。或土多得一甲出。不見庚辛。爲人作事軒昂。性情謹慎。卽不顯揚。亦文章驚世。用癸者金妻水子。用丙者木妻火子。用甲者水妻木子。

戊戌己未戊辰癸丑 稼穡格。有道全真。

戊申己未戊午辛酉 稼穡格。火爲病。水爲藥。狀元乏嗣。

庚子癸未戊子丁巳 假傷官格。學博併子大貴。

七月戊土。陽氣漸入。寒氣漸出。先丙後癸。甲木次之。丙癸甲透者。富貴極品。癸藏丙透。不僅秀才。丙甲兩透。癸水會局藏辰。亦不失富貴。無丙得癸甲透。此人清雅。家富千金。無癸甲者。常人有丙火妻賢子肖。若丙甲癸三者俱無。下流之命。或支成水局。作棄命從才。宜取甲洩之。甲透者稍有富貴。用神妻子全前。

壬寅戊申戊辰壬午 太守。

庚寅甲申戊寅癸丑 先貧後富多子。

辛酉丙申戊子丙辰 勾陳得位。用時上丙火。太師。

八月戊土。金洩身寒。賴丙照暖。喜水滋潤。先丙後癸。不必木疏。丙癸兩透。科甲中人。丙透癸藏。可許入泮。癸透丙藏。納資得官。若丙藏又無癸。卽多不透。此皆常人。癸丙全

無。奔流之客。或四柱皆辛無丙丁。此名傷官格。爲人清秀。卽不能拾芥。亦可武庠。一見癸水。富而且貴。或支成水局。壬癸出干。此名才多身弱。愚懦無能。若天干有比劫。分散財神。頗言衣食。用神妻子全前。秋土生金極弱。須丙火丁火出干方妙。

九月戊土當權。不可專用丙。先看甲木。次取癸水。却忌化合見金。先用癸水。後取丙火。配合支干。方成有生之土。定發雲程。或無丙有癸。不見甲透者。衣衿小富。無癸丙有甲者。衣食而已。若癸甲全無。雖有丙火。亦屬平常。或爲僧道。或支成水局。壬癸透干。用戊止流。有比透反主富。支成火局。名土燥不發。得金水兩透。此人清高。略可富貴。無水一生困苦。妻子全前。

己酉甲戌戊辰丙辰 丙甲出干。孝廉。

丁亥庚戌戊戌癸亥 印多官旺。反得中和。主大富。

丙戌戌戌戊寅壬子 丙癸甲皆全。惜未出干。只一貢士。

丁酉庚戌戊寅乙卯 白手興家。大富。

丙子戊戌戊辰己未 猛虎巡山格。官至少保。

十月戊土。時值小陽。陽氣略出。先用甲木。次取丙火。非甲土不靈。非丙土不暖。安能發生萬物。甲丙兩出。富貴中人。或甲得長生。遇支藏得地之水。一丙高透。亦主身貴揚名。支見庚金入泮而已。若不見庚金。甲木藏支。丙火高透。科甲有之。若有庚丁出制。必異路功名。或爲典吏。卽庚丁不透。甲丙藏支。亦云富貴。丙透得戊救壬。主富中取貴。丙申俱無。必爲僧道。

癸卯癸亥戊辰戊午 羊刃架殺格。府尹。

壬申辛亥戊寅庚申 此歸祿格。四柱見金木運。大發。

乙卯丁亥戊戌丙辰 食神生才格。一榜。

十一二月嚴寒冷凍。丙火爲尊。甲木爲佐。丙甲兩透。桃浪之人。丙出甲藏。採芹食餼。丙藏甲出。佐雜前程。有丙無甲者豪富。有甲無丙者清貧。丙甲全無。下流之造。或一派丙火。加以丙透。運值火土。弱中復強。又一壬透干。主清高榮祿。乏壬僧道孤寒。或一

派水土寒滯。不見一丙。得一癸透月時。亦不失儒雅風流。或一派壬水不見比劫。可作從才論。卽有比劫。得甲出干。又主富貴。若寒土無丙。雖有甲木。亦是內虛外實之人。或二癸透月時。名爲爭合。終屬勞碌之人。得一己出干制癸。反爲忠義之士。舍己從人而論。年月透金辛者。又屬土金傷官。異路功名可許。以金爲妻。水爲子。

壬子壬子戊子壬子

從才格太史。

癸卯乙丑戊申癸丑

四柱無火。喜戊癸一化。申宮壬水輔陽。按察。

戊寅甲子戊辰戊午

甲出丙藏。又戊多晦光。好客一生貧苦。

正月己土。田園尤凍。蓋因臘氣未除。餘寒未退。故丙爲尊。得丙照暖。萬物自生。忌見壬水。反爲己病。何也。壬乃江湖之水。湖水一發。則田園洗蕩。變爲沙場。而根苗盡沒矣。須戊作堤以保園圃。壬多要見戊制。有戊出干者。定主玉堂金馬。若乏戊制。必屬平常。或一派甲木。有庚出干。加以癸丙齊透。配得中和。亦名利雙全。卽丙生寅月。庚透天干。亦有俊秀。若甲多無庚。殘疾廢人。宜用丁洩。或一派火。卽不見水。無礙。何也。正

月己土寒濕。必丙燥暖。反主衣祿。加一癸透。科甲自然。戊透反作常人。或一派戊土。有甲出制。又主榮顯。如見乙出。雖多不能疏土。且乙多者。奸詐小人。用丙者木妻火子。

二月己土。陽氣漸升。雖禾稼未成。萬物出土。田園未展。先取甲木疏之。忌合。次取癸水潤之。甲癸出干。定主科甲。加以一丙出透。勢壓百僚。一見壬水。微小官職。或見庚制甲。壬水出干。比劫重重。此必俗子。丙透尤有小富。丙藏衣祿無虧。或支成木局。庚透富貴。若柱多乙木。乙又屈庚。庚必輸情於乙。不能掃邪於正。此必狡詐之徒。運入東南。恐有不測。當用丁洩之。有丁者。小人而已。不致無良。無比印從殺者貴。若柱中無甲丙癸者。皆下格。妻子用神同前。

癸卯乙卯己巳庚午

偏官格。乙難合庚。羣邪自伏。撫軍。

癸卯乙卯己巳乙丑

偏官格。己日合局。庚不合乙制殺。狀元。

三月己土。正栽培禾稼之時。先丙後癸。土暖而潤。隨用甲疏。三者俱透。天干必官居黃

關。或三者透一科甲定然。但要得地。却以庚金爲病。或有丙甲無癸。亦可致富。但不貴顯。或有癸而無甲丙。亦有衣衿。或有丙癸無甲。亦係才人。丙癸全無。流俗之輩。或一片乙木。無金制伏。貧而且夭也。妻子同前。

壬子甲辰己卯丙寅

甲丙癸全。殺旺身強。一品。

辛未壬辰己巳甲子

身旺任才。富翁。

壬子甲辰己卯壬申

雜氣才官格。狀元。

三夏己土禾稼在田。最喜甘沛。取癸爲要。次用丙火。夏無太陽。禾稼不長。故無癸曰旱田。無丙曰孤陰。或丙癸兩透。又加辛金生癸。此富貴之格。却忌戊癸化合。此名水火既濟。鼎甲之人。或有癸無丙。有壬亦可。但不大發。或一派丙火烈烈。加以乙火制辛。癸水無根。如七八月之乾旱。苗稿矣。此命孤苦零丁。或有甲木。又見丙火重重。無滴水解炎。亦孤貧到老。卽有壬水。又見庚辛。此又不作孤看。但恐目疾心腎肝臟之災。若壬水有根。辛金得地。又非此而論。或壬癸并出。破火潤土。此人聰穎特達。富中取

貴。又轉禍爲福也。用癸者。金妻水子。用丙木妻火子。

己巳己巳己巳戊辰

此命大富。己生初夏。戊己多。得三庚生癸。故妙。

乙巳辛巳己巳辛未

金多洩土。旱田乏水。專用胎元。

丙申癸巳己亥乙亥

丙癸俱全。才旺生夫。一品夫人。

乙丑辛巳己巳庚午

辛生丑宮。不爲旱田。位至方伯。

三秋己土。萬物收藏之際。外虛內實。寒氣漸升。須丙火溫之。癸水潤之。不特此也。且癸能洩金。丙能制金。補土精神。則秋生之物咸茂矣。癸先丙後。丙癸兩透。雁塔題名。或無癸有丙。兩透者。異途顯達。或武職權高。或有丙火。不見壬癸。爲假道斯文。終無誠實。或有壬癸無丙者。衣食充足。才能而已。或支成金局。癸透有根。此人家畜萬緡。富中取貴。或支四庫甲透者。富。乏甲者。孤貧。或甲出無癸。乏金。積德可全科甲。或會火局無水救。乃大奸大惡之徒。或丙透癸藏。遇金頗有選拔。加一壬輔。富貴慷慨。有賢聲。見戊透者。主遭凶厄。且貧。八月支成金局。無丙丁出救。此人零丁孤苦。如得丙透。

丁藏。生己元辰。此人名魁天下。五福完人。總之三秋己土。先癸後丙。取辛輔癸。九月土盛。宜甲木疏之。餘皆酌用。

甲寅癸酉己未壬申

甲丙癸壬全。提督。

己巳甲戌己丑壬申

戊己局全於四季。火逐大貴。

勾陳全備潤下。勞碌奔波之客。土凝水竭。離鄉去井之流。勾陳得位。會才官。無冲無破。必然端。甲子北方壬癸水。管教環拱戴金冠。戊己喜亥卯未爲官。申子辰爲才。忌刑冲殺害。

三冬己土濕泥寒凍。非丙暖不生。取丙爲尊。戊土癸水不用甲木參酌。惟初冬壬旺。取戊制之。餘皆用丙丁。但丁不能解凍除寒。不能大濟。或干透一丙。支藏一丙。加以甲透。科甲有准。卽藏丙無制。亦主衣衿。或多壬水。得戊透制之。此命安然富中取貴。不見戊土富屋貧人。凡三冬己土見壬出干。爲水浸湖田。此人孤苦。若見火不孤。見土不貧。或一派癸。不見比劫。此爲從才。反主富貴。雖不科甲。恩誥有之。若見比爭。平常

人物。妻子主事。從才者木妻火子。或一派戊己。取甲制之。甲透者富貴。或一片辛庚。須用丙火。還須丁火。丁助丙藏。富貴奇特之命。

壬申癸丑己丑甲戌 木疏季土格 侍郎。

壬子癸丑己卯己巳 才旺生殺格 狀元。

論金

金以至陰爲體。中含至陽之精。乃能堅剛。獨異衆物。若獨陰而不堅。冰雪是也。遇陽則消矣。故金不煉不成器。金無火。非脫璞之名。金重火輕。執事繁難。金輕火重。煨煉消亡。金極火盛。爲格最精。金火全名鑄印。犯丑字卽爲損樸。金火多名乘軒。遇死衰反爲不利。木火煉金。幸功名而退速。純金遇水。逢富顯以贏餘。金能生水。水旺則金沈。土能生金。多則反賤。金無水乾枯。水重則沈淪無用。金無土死絕。土重則埋沒不顯。兩金兩火最上。兩金兩木才足。一金生三水力難勝。一金得三木。頑鈍自損。金成則火滅。故金未成器。欲得見火。金已成器。不欲見火。金到申酉己丑。亦可謂之成也。

運喜西北。不利南方。生於春月。餘寒未盡。貫乎火氣爲榮。性柔體弱。欲得厚土輔助。水盛增寒。難施鋒銳之勢。木旺損力。有剗鈍之危。金來比助。扶持最妙。比而無火。失類非良。夏月之金。母尙在柔。形未執方。尤嫌死絕。火多而却爲不厭。水盛而滋潤呈祥。見木而助鬼傷身。遇金而扶持精壯。土薄而最爲有用。土厚而埋沒無光。秋月之金。當權得令。火來煨煉。遂成鐘鼎之材。土多培養。反惹頑濁之氣。見水則精神越秀。逢木則琢削施威。金助愈剛。剛過則缺。氣重愈旺。旺極則衰。冬月之金。形寒性冷。木多則難施琢削之功。水盛而未免沈潛之患。土能制水。金體不寒。火來取土。子母成功。喜比肩。聚氣相扶。欲官印溫養爲利。

正月庚金。木旺之際。有土皆死。不能生金。且金之寒氣未除。先用丙暖庚性。又慮土厚埋金。須甲疏淺。丙甲兩透。科甲顯榮。二者透一。亦有生監。丙藏甲透。異路功名。或柱中土多。甲透者貴。甲藏者富。庚出則否。或丁火出干。加以戊己而無水者。又主富貴。何也。寅中甲木。引丁有根。無水爲病。名官星有氣。才旺生扶。故以富貴推之。如火多。

則用土。用土者火妻土子。或支成火局。壬透有根者。大富貴。無根者小富貴。乏水者殘疾之人。或木被金傷。無丙丁出制。支無丁火。此係平人。或丙遭癸困。無戊制者。亦然。總之正月庚金。丙甲爲上。丁火次之。春金多火。不夭則貧。陽金最喜火煉。煨煉太過。反主奔流。

壬子壬寅庚申庚辰 水盛金寒。專用丙戊。早年困苦。入東南運入洋。

辛巳庚辰庚戌丙戌 支成火局。無水。僧道。

二月庚金。柱中自然有乙。當令之乙。見庚必留情於乙。此金有暗強之勢。如秋金一理。或丁在干。甲透引丁。支下再見一丁。制甲。配得中和。必然大貴。如不見庚合者。雖丁甲兩透。亦屬平人。春丁不旺不衰。故用甲爲佐丁之物。甲若無庚劈。則不能引丁。乙木雖多。又忌濕乙傷丁。難爲丁母。故有丁甲無庚者。常人。有丁庚甲。卽不出干者。常人。或丁透無庚甲者。可許貢監。無丁有丙者。異路功名。或一片甲乙。忌庚出幫破財。乃從財格。反主富貴。若見一比。又主孤貧。從才者火妻土子。用丁者取甲爲妻。若有

庚制難許同偕。二月庚金專用丁火。借甲引丁。借庚劈甲。無丁用丙者。富貴多出於勉強。死金嫌蓋頂之泥。重見戊己。如人壓伏之象。須甲透爲妙。

庚申己卯庚寅丁丑

富貴自得慷慨好施。

庚午己卯庚子甲申

甲透丁藏。武魁。

辛酉辛卯庚寅丁亥

武狀元。

丙申辛卯庚辰丁亥

大貴乏嗣。

三月庚金。戊土司令。無生金之理。有埋金之憂。故先甲後丁。不用庚劈。得甲丁兩透。不見比肩。科甲之命。但要好運相催。甲透丁藏。採芹拾芥。甲藏丁透。異路功名。丁甲俱藏。不受庚制。富中取貴。刀筆起家。有甲無丁。平常之輩。有丁無甲。迂儒腐儒。丁甲兩無。下賤之流。或一甲無丁。有丙。由行伍而得官職。須不見壬癸爲妙。或支成土局。無木。貧賤僧道。見乙奸詐小人。三月之庚。土旺金頑。頑金宜丁。旺土須甲。乏甲不能立業。乏丁焉得成名。二者少一。富貴不真。或支成火局。癸水透富貴。有丙丁出于見壬。

制之方吉。無制殘疾之人。庚金無火。非夭則貧。身弱財多。富不久。用甲者水妻木子。用丁者木妻火子。

庚子庚辰庚申壬午

時出壬水。支成水局。名井欄。又格。官至太師。

四月庚金長生於巳。巳內有丙。丙不鎔金。故不畏火炎。丙亦可作用。但先壬水。方得中和。故曰羣金生夏。喜用勾陳。次取戊土。丙火佐之。三者皆全。登科及第。卽透一二。亦非白丁。或一派丙火。名曰假殺爲權。須不見壬制者。此人假作清高。並無仁義。刑妻尅子。有壬制者。又主榮華。壬藏支者。有富貴之名。而無其實。或支成金局。變弱爲強。用丙無力。用丁方妙。故丁透者吉。無丁無用之人。或丁出三四。煨制太過。其人奔波。四月庚金須用壬丙。但勿拘執先後。宜分病用藥。妻子同前。劍戟成功。入火鄉而反害。金逢火已損。再見火必傷。庚辛火旺。怕南方。逢辰巳之鄉。又爲榮斷。五月庚金。丁火旺烈。庚金敗地。專用壬水。癸又次之。壬透癸藏。支見庚辛。必然科甲。切忌戊己透干。制水則否。戊藏支內。不失儒林。或壬在支。有金生助。又得金神出干。明

經之貴。或癸出帶辛。異路之榮。或支成火局。乏水者。奔波之客。有壬癸制者。捐納之人。又見戊己透者。則否。無壬癸制火者。又宜戊己出干。補金洩火。庶不夭折孤貧。總之。仲夏無水。必非上格。或一派木火。無傷印比劫。又作從殺而論。

己未庚午庚戌壬午

七殺格。先貧後富。壽考子多。

六月庚金。三伏生寒。頑鈍極矣。先用丁火。次取甲木。丁甲兩透。名顯身榮。忌癸傷壬。有甲無丁。庸俗。有丁無甲。生員。丁甲全無。下賤之人。未雖有丁不透。支又見水。執鞭之士。丁火無傷。貿易之流。支會土局。甲先丁後。甲透者。文章顯達。丁透者。刀筆揚名。或柱多金。有二丁出制。異路功名。

丙辰丁未庚申丁亥

丁透甲藏。早年得志。一榜少兄弟。

丙午乙未庚寅壬午

壬透制火。縣令。大有才幹。

癸巳己未庚子甲申

此傷官格。制殺太過。入水火運。才旺生殺。大發。

丙辰乙未庚午癸未

一丙二丁。取癸制殺。爲役起家。

七月庚金剛銳極矣。專用丁火煨煉。次取甲木引丁。故曰秋金銳最爲奇。壬癸相逢。總不宜。若逢木火來成局。試看福壽與天齊。如得丁甲兩透。定步青雲。若有丁無甲。爲俊秀。有甲無丙。是平人。丁甲兩無。無用物。只堪門下作閑人。或支成水局。乏丁用丙。柱中卽有丙火。不見甲木者。必主愚懦。何也。當時金水兩旺。金生水制火。何能豁達。或見甲引出丁。可云生監。甲弱者衣食充盈。或支成土局。先甲後丁。支成火局。富貴中人。金剛木弱。行商坐賈之人。金備申酉戌之地。富貴無疑。金神入火鄉。逢羊刃富貴榮華。

八月庚金剛銳未退用丁。甲丙不可少。若丁甲透。又見一丙。功名顯赫。且見羊刃無刑。冲丙殺藏支。名爲羊刃架殺。主出將入相。直介忠臣。或丙火重重。一丁高透。亦主科甲。丙出丁藏。異路之仕。或甲藏支火透。而水不透者。亦主清高。衣衿可望。或丁藏支內。重見丙火者。此名假殺重重。雖羊刃帖身。却難從殺也。卽一丙透秀而不富。或支見重重甲乙。無用人也。總之旺金木衰。非火莫制。不見丙子。藝術之輩。

丙子丁酉庚子丙子 身旺任殺 一品。

乙巳乙酉庚午丁亥 歸靈格。才旺生官。副使。

己亥癸酉庚申戊寅 羊刃架殺格。尙書。

九月庚金。戊土司令。最怕土厚埋金。宜先用甲疏。後用壬洗。則金自出矣。壬甲兩透。科甲相宜。忌見己土濁壬。或甲透壬藏。鄉魁可望。甲藏壬透。廩貢堪謀。有甲無壬。尤有學問。有壬無甲。莫問衣衿。壬甲兩無。則爲下格。或支成水局。丙透救之。此人才高邁。衆名重鄉閭。不見癸水。一榜可許。或四柱戊多金旺。全無甲壬者。卽有衣祿。亦不能久。或庚戌多無壬申者。愚頑之輩。

辛酉戌庚申甲申 尙書。

庚寅丙戌庚戌辛巳 方伯。

辛酉戌庚申辛巳 太尉。

十月庚金。水冷性寒。非丁莫造。非丙不暖。丁甲兩透。支無水局。一榜有之。支藏丙火。桃

浪之仙。支見亥子。得已出制。亦有功名。若見丙透無丁者。決無顯達。丁藏甲透。武職之人。以上不合者庸俗。如金水混雜。全無丙丁者鄙夫。支成金局無火者。僧道之命也。書曰水冷金寒愛丙丁。

丁亥辛亥庚子壬午 甲丁得所 廉訪

壬辰辛亥庚辰丙子 女命金清水秀。夫榮子貴。美而且賢。

十一月庚金。天氣嚴寒。仍取丁甲。次取丙火照暖。或丁甲兩透。丙在支中。必主科甲。卽無丙火。亦有衣衿。有丁無甲。亦可富中取貴。有甲無丁。只作常人。或丙透丁藏。異途名望。丁藏有甲。武學可圖。或重重丙火。可許一富。但不清高。丙戊生寅。或丙底坐寅。有一二者。富真貴假。若見癸透。一介寒儒。或支成水局。不見丙丁者。此乃傷官格。爲人清雅。衣祿常盈。但子息艱難耳。或丙丁太多。名官殺混雜。最無良。又怕身輕有損。傷如過東南二運地。焉能挨得過時光。過於清冷。似有淒涼。柱中一派金水。不入和暖之鄉。主一生孤貧浪蕩。難望有成也。

壬子壬子庚申庚辰 井欄叉格 尙書

辛亥庚子庚辰癸未 丁甲在支富大貴小

乙卯戊子庚寅戊寅 甲丙得位富中取貴

十二月庚金寒氣太重。且多濕泥。愈寒愈凍。先取丙火解凍。次取丁火煉金。甲亦不可少。丙丁甲透者。卽不科甲。亦有恩榮。有丙無丁甲者。富中取貴。有丁甲無丙者。特達才人。有丙丁無甲者。白手成家。刀筆亨通。乏金更美。或支成金局。無火。僧道之流。

庚辰己丑庚戌癸未 女命。夫婦白頭。五子大貴。

己巳丁丑庚子甲申 兄弟雙生。兄孝弟才。弟酉時無甲故也。

正月辛金。陽氣舒寒未除。不知正月建寅。中有長生之丙。解去寒氣。忌甲木司權。辛金失令。取己土爲生身之本。欲得辛金發現。全賴壬水之功。己壬兩透。支見庚制甲。科甲定然。或己土透干。支中有甲。異路恩榮。或己土不全。號曰君臣失勢。富貴難全。或有丙火出干。亦主武學。或見壬無己庚者。貧賤之徒。或支成火局。卽壬水出干。不尅

己土亦尋常之人。或庚壬兩透。破局制火。必爲顯達之人。或支成水局。不見丙火。名爲金弱沉寒。平常之士。書曰。金水性寒。到底淒涼。難免少年憂。得丙透照暖。反主富貴。正月辛金。先己後壬。己爲君。庚爲佐。故用丙火。然參看用己。火妻土子。用壬金妻水子。辛金珠玉。最怕紅爐。辛逢卯日子時。名曰朝陽。

丙辰庚寅辛酉己丑

有己無壬。秀才而已。

二月辛金。陽和之際。壬水爲尊。見戊己爲病。得甲制伏。則辛金不致埋沒。壬水不致混濁。合此者。必身入玉堂。或壬戊透。甲不出干。此爲病不遇藥。平常之人。得乙破戊。頗有衣衿。但假名假利。刻薄乖張。或一派壬水汪洋。名金水淘洗太過。不得中和。略有衣食。全無作爲。或支成木局。洩盡壬水。有庚富貴。無庚平人。如壬水重土。得戊反吉。或支成火局。名官印相爭。金水兩傷。下流之格。得二壬出制。富貴反奇。辛金生於春季。一派壬水。而無丙火。卽能顯達。家無宿糧。得壬丙齊透。方許大富大貴。

二月辛金。有壬甲透者。貴顯。否則鄉紳。或壬坐亥支。不見土出。可能拾芥。家亦小康。得

申中之壬者。異途名望。無壬者常人。其生尅之理。與正月辛金皆同。

乙卯己卯辛酉甲午 用胎元庚金破木。太守。

乙酉己卯辛卯丙申 用庚不用壬。侍郎。

己未丁卯辛巳己亥 用丁。文學蓋世。但一秀才耳。

甲午丁卯辛未己亥 才旺生官。狀元。

壬子癸卯辛卯壬辰 女命金水汪洋。一生淫賤孤寡。

三月辛金。戊土司令。辛承正氣。母旺子相。所忌者丙貪合也。如月時皆丙。名爲爭合。主慷慨風流。交游四海。若癸出于制丙。可許採芹。或支坐亥子之鄉。支又見申。卽非玉堂。亦必高增祿位。若戊出于制水。不見甲乙。清閑之人。又或支見四庫。名土厚埋金。不見甲制。愚頑之輩。總之三月辛金。先壬後甲。壬甲兩透。富貴必然。壬透甲藏。廩貢不失。甲藏壬透。富則可云。壬甲皆無。平常之格。或四柱火多。無水制伏。名火土雜亂。主作緇衣。見癸可解。或比劫重重。壬癸淺弱。主天有甲出于則貴。然無庚制方妙。

四月辛金。時逢首夏。忌丙火之燥烈。喜壬水之洗淘。成金局。水透出干。有木制戊。名一
清澈底。應科甲功名。癸透壬藏。富真貴假。若壬癸皆藏。戊己亦藏。略富。若壬癸俱無。
反見火出。必主繆獨。有一甲透。衣祿可求。或支成火局。有制者吉。無制者凶。凡火旺
無水。取土洩之。若壬水藏亥。戊不出干。亦主上達。有戊常人。若有甲無壬癸者。富貴
虛浮。所謂羊質虎皮是也。壬癸甲三者全無。又不合格。斯爲下品。

乙未辛巳辛亥乙未

兩間不雜。但非時耳。茂才。

五月辛金。丁火司權。辛金失令。陰柔之極。不宜煨煉。須己壬兼用。何也。己爲泥沙。壬爲
湖海。己無壬不濕。辛無己不生。故壬己並用。無壬癸亦可用。但癸力小。或支成火局。
卽重見癸出。亦不濟。得壬透破火方可。必主生員。若無壬癸見戊。雖有午宮己土。燥
泥成灰。金必煨鎔。反遭埋沒。必爲僧道。有一二重比肩。不致孤獨。五月辛金。壬癸己
三者皆用。或壬己兩透。支見癸水不沖。定主顯達。卽己藏支。亦有廩貢。或無壬有己。
須得異途。或癸出有庚。必主衣錦。叨受恩榮。若水土多者。見甲方妙。庚辛生于夏月。

要壬癸得地。若木多火多。不見金水。逢金水運必敗。

丙子甲午辛亥壬辰 用午宮丁己。又透甲木。中書。

六月辛金。己土當權。輔助太多。恐掩金光。先用壬水。取庚佐之。壬庚兩透。科甲功名。卽不出干。藏支得所。亦有榮華。但忌戊出。得甲制之。方吉。甲須隔位。恐貪己合。反掩金光。又塞壬水之流。下賤之格。又忌庚出制甲。或只有未中一己。見了壬水。又爲濕泥。不可見甲己出。反作平人。總以一壬一己。見庚無甲方妙。與五月用己壬全。或丁乙出干。又有庚壬者。顯貴。無壬者否。或支成木局。得壬透。又有庚金發水之源。可云富貴。

壬辰丁未辛丑甲午 丁壬兩透。大貴之命。

甲寅辛未辛未丁酉 七殺無制。貧苦終身。

七月辛金。值庚司令。不旺自旺。且壬水居申。四柱不見戊土。胎元戊藏申內。爲壬堤岸。人命得此。爲官清正。但不富耳。癸水不可爲用。或有土無甲。爲有病無藥。常人有甲。

者。衣衿可望。或四柱金多。宜水洩之。若一派金水。得一戊土。反爲辛用。又宜甲制。自然富貴。或干支水多。重見戊土。逢生得地。福壽之造。七月辛金。壬不在多。故書曰。水淺金多。號曰體全之象。壬水爲尊。甲戊酌用可也。

甲午壬申辛卯癸巳

壬申兩透 詞林

八月辛金。當權得令。旺之極矣。專用壬水洩洗。故云金見水以流通。如見戊己。則生扶太過。故以土爲病。見甲制土方妙。無戊不宜用甲。或四柱一點壬水。甲多洩水。此爲用神無力。奸詐之徒。得庚制者。反主仁厚。或三點辛金。一重壬水。多見甲木。有庚透者。主大富貴。不見丁爲美。若見一丁。此人風雅清高。衣食饒裕而已。成一二比肩。壬甲皆有。無庚出干。亦有恩榮。若二三比肩。一點壬水。戊土多見。此爲土厚埋金。此人愚懦。見一甲出。必爲創立之人。或一派辛金。一位壬水。無庚雜亂。又主富中取貴。或一派壬水洩金。無戊出制。爲沙水同流。主奔波貧苦。若得支見一戊止流。其人頗有才略。藝術過人。或支成金局。干見比肩。無壬洩洗。此宜用丁。無丁必主凶頑無賴。若

得一壬高透。以洩羣金。又名一清到底。定有治國之材。或支成金局。戊己透干。壬透無火。名白虎格。運行西北。富貴大顯。子息艱難。或透丙火。雖有壬出。亦屬平庸。或一二辛金。一派己土。定爲僧道。或干透己土。支見庚甲。一生安閑。或一派乙木。不見甲壬。爲才多身弱。一見庚制。富貴可期。金生秋月。土重。貧無寸鐵。六辛日逢戊子時。運喜西方。陰若朝陽。切忌丙丁離位。庚辛局全己酉丑。位重權高。

己酉癸酉辛未己亥

二人全命。文庠家貧。武庠家富。

丁酉己酉辛酉丙申

身強殺淺。辛日坐酉。丙官生印。太守。

丁卯己酉辛亥壬辰

丁壬兩透。經魁。

九月辛金。戊土司令。母旺子相。須甲疏土。壬洩旺金。先壬後甲。壬甲兩透。桃洞之仙。或壬透甲藏。又見戊者。平人。甲透壬藏。戊在支內。異途之士。或辛日甲月。壬水在支。有庚自能去濁留清。秋闈一榜。若戊戌月。卽有甲在支亦否。總之土太多。甲不出干。莫問功名。得一壬出洗土。助甲。雖不發達。富而可求。或土多無壬。時月多透丙辛者略。

貴。加以辰字在支。則榮顯莫及。或木多土厚無水者。常人。或干上重見癸水。雖無淘洗之功。頗有清金之用。此命主富辛苦。或已透無壬有癸。亦能滋生金力。衣衿之貴。但恐已多。不免濁富。九月辛金。火土爲病。水木爲藥。

丙戌戊戌辛未壬辰 印重最喜才鄉壬丙俱透。尙貴。

戊戌壬戌辛酉戊子 去濁留清。孝廉。

丙戌戊戌辛未丁酉 用戌生金。用丙暖土。

十月辛金。時值小陽。陽漸升。寒氣將降。先用壬水。次取丙火。壬丙兩透。金榜題名。何也。蓋辛金有壬水丙火。名金白水清。又在亥月。故發。丙透壬藏。採芹之造。丙藏壬透。富有千金。壬丙在支。聰明之士。戊壬存柱。積蓄之人。或壬多無戊。名辛水汪洋。反成貧賤。戊多壬少。又主成名。或甲多戊少。因藝術而蓄金。若已多有戊。壬水被困。金被埋。不過誠實之人。或壬癸多無戊丙者。勞碌辛苦。十月辛金。先壬後丙。餘皆參用。

十一月辛金。癸水司令。爲寒冬雨露。切忌癸出凍金。而困丙火。壬丙兩透。不見戊癸。衣

錦腰金。卽壬藏丙透。一榜堪圖。或壬多有戊。丙甲出干者。青雲之客。若壬多無戊丙者。洩金太過。定是寒儒。或壬多甲乙重重。無丙火者。貧寒。或支成水局。癸水出干。有二戊制者。富貴恩榮。無戊者。常人。或支見亥子丑。干出比劫。無丙名潤下格。富貴雙全。運喜西北。若無庚辛。又出甲乙。無戊丙者。必主僧道。或支成木局。有丁出干。又見戊者。功名特達。冬月辛金。須丙溫暖方妙。

十二月辛金。寒凍之極。先丙後壬。無丙不能解凍。無壬不能洗淘。丙壬兩透。金馬玉堂之客。壬丙俱藏。游岸食餼之人。有丙無壬。富真貴假。有壬乏丙。賤而且貧。或丙多無壬。有癸。市中貿易之流。或水多有戊己出干。又有丙丁。必主衣食充盈。一生安樂。十二月辛金。丙先壬後。戊己次之。

乙丑己丑辛丑戊子

侍郎。

丁丑癸丑辛卯戊子

用丁火。按察。

乙卯己丑辛亥丁酉

先貧後富。且壽。

甲申丁丑辛卯己亥 才旺生殺。制軍。

論水

天傾西北。亥爲出水之方。地陷東南。辰爲納水之府。逆流到申而作聲。故水不西流。水性潤下。順則有容。順行十二神順也。主有度量。有吉神扶助。乃貴格。逆則有聲。逆行十二神逆也。入格者。主清貴有聲譽。忌刑沖則橫流。愛自死自絕則吉。水不絕源。使金生而流遠。水流泛濫。賴土尅以堤防。水火均。則合既濟之美。水土混。則有濁源之凶。四時皆忌火多。則水受渴。忌見土重。則水不流。忌見金死。金死則水囚。忌見木旺。木旺則水死。沈芝云。水命動搖。多主濁濫。女人尤忌之。口訣云。陽水身弱窮。陰水身弱主貴。生於春月。性濫滔淫。再逢水助。必有崩堤之勢。若加土盛。則無泛漲之憂。喜金生扶。不宜金盛。欲火既濟。不要火多。見木而可施功。無土仍愁散漫。夏月之水。執性歸源。時當涸際。欲得比肩。喜金生而助體。忌火旺而炎身。木盛則盜其氣。土旺則制其流。秋月之水。母旺子相。玉瑩表光。得金助則清澄。逢土旺而混濁。火多而財

盛水重而子榮。重重見水。增其泛濫之憂。疊疊逢土。始得清平之意。冬月之水。司令當權。遇火則增暖除寒。見土則形藏歸化。金多反曰無義。木盛是謂有情。土太過尅制水死。水泛濫喜土爲堤。

正月壬水。汪洋之象。能并百川之流。然水性柔弱。宜用庚金之源。庶不致汪洋無度。有庚丙戊三者齊透。科甲功名。或庚戌藏支。丙坐寅支者。亦有恩誥。卽一庚透。貢監有之。凡壬日無比肩羊刃者。不必用戊。專用庚金。以丙爲佐。或見比劫。又有庚辛。此弱極後旺。又宜制伏。戊透可云科甲。戊藏則是秀才。然必丙透不合爲妙。或支見多戊。又有出干名。一將當關。羣邪自伏。主光明磊落。名重百寮。或支成火局。惜不逢時。主名利皆虛。文章駭俗。用庚者土妻金子。用丙者木妻火子。用戊者木妻火子。

己巳丙寅壬辰庚子 惜戊不出干富而不貴。

二月壬水寒氣未除。有并流之象。不用丙暖。專取戊土辛金。戊辛兩透。雁塔題名。戊透辛藏。亦有恩誥。或戊辛不透。有庚出干者。主富。或支成木局。有庚透者。金榜題名。庚

在支者。異途之仕。或木出火多。名木盛火炎。須比肩羊刃。尤宜水透。富貴恩榮。乏水者則否。或比肩重重。又須戊土。書曰土止流水福壽全。若戊不見。名水泛木浮。一生辛苦。再行水運。落水身亡。或甲乙重重無比肩者。此依人度日。全無作爲。若見庚辛。飢寒可免。二月壬水。先戊後辛。庚金次之。

三月壬水。戊土司權。恐有推山塞海之患。先用甲疏季土。次取庚金。甲木有透。科甲定然。甲透藏庚。修齊品格。甲藏有根。可云俊秀。有癸滋甲。必主干城。獨甲藏支。必富。獨庚在柱常人。無甲剛暴之徒。乏庚愚頑之輩。或時月透丁者。此爲化合助火。而不助水。見丁未一理。或支成四庫。乏甲者。名殺重身輕。終身有損。凡火旺多見庚金者。乃無用之人。須內制之方妙。

壬申甲辰壬辰甲辰 食神制殺格。提督。

四月壬水。丙火司權。水弱極矣。專取壬水。爲比爲助。次取辛金發源。且暗合丙火。庚金爲佐。壬辛兩透。金榜有名。或癸辛兩出。加以甲透。亦主異路之榮。無甲者富貴。門下

之客。如無土。水少火多者。又作棄命從才格。因妻致富。癸透者殘疾。或四柱多金得地。則弱極復強。須用巳中戌土。亦主名利雙全。或異途之貴。若見一甲藏寅。與巳相刑。主有暗疾。名利皆虛。不能創立。或多甲乙。有庚出于者貴。無庚者否。或支成水局。大貴。

壬寅乙巳壬午乙巳

三刑合局。制軍。

壬午乙巳壬申乙巳

才旺生官。尙書。

丙辰癸巳壬辰壬寅

土木交鋒。孤貧一世。

五月壬水。丁旺壬弱。取庚爲用。取癸爲佐。無庚不能發水。無癸不能傷丁。庚癸兩透。科甲必然。庚壬兩透。官居極品。有庚無壬。癸者常人。或支成火局。全無金水。名才多身弱。富屋貧人。若又甲乙多者。僧道之命。五月壬水。辛癸一可參用。其理與四月皆同。

庚午壬午壬寅辛亥

庚壬兩透。才旺生官。尙書。

丁酉丙午壬寅甲辰

木守。

六月壬水。己土當權。壬水退氣。先用辛金發水。次用甲木劈土。辛甲兩透。富貴清高。甲藏辛透。貢監生員。辛藏甲透。異途武職。辛壬兩透無傷。有治國之貴。卽甲藏壬出無破。是拾芥之才。或支多土火。又只清貧。或一派己土。此假從殺格。爲人奸詐。且主孤貧。得甲乙出制可救。凡土居生旺之地。須用木制方妙。或支成木局。洩水太過。當用金水爲貴。以金爲妻。水爲子。六月壬水。先辛後甲。次取辛金。

七月壬水。庚金司令。壬得申之長生。源流自遠。轉弱爲強。專用戊土。次取丁火。佐戊制庚。但用辰戌之戊。不用申中受病之戊。戊丁俱透。科甲大員。或透天干。丁藏午戌。恩封可待。特忌戊癸化合。卽支見寅戌。年出了火。可許衣衿。或丁戌兩藏。富中取貴。或四柱多戊。又透。名假殺化權。闔苑仙聲。支中見甲。亦不忌也。但太多者常人。有庚居申。頗有衣祿。或戊多透。得一甲制。略貴。無甲常人。或一派甲木。又見火多。無庚出者。別祖離鄉。隨緣度日。蓋申中之庚。不能救也。七月壬水。專用戊土。丁火爲佐。

戊寅庚申壬辰壬寅

此用戊丙。

按院。

丁亥戊申壬辰丙午 此身旺任才。丁戊俱透 尙書。

癸酉庚申壬辰辛亥 此用辰中戊土。依人而富。

八月壬水。辛金司權。正金白水清。忌戊土爲病。專用甲木。甲木一透制戊。壬水澈底澄清。名高翰苑。若甲出時干。功名顯達。設見庚破。又屬常人。卽甲藏支無庚。秀才可許。或天干有壬。支見申亥。此非用甲戊土作用。亥雖有甲。又有申中之金制甲。秀才一定。且富足多才。或無戊多金水者。主人清才濁。困苦寒儒。用甲者水妻木子。無甲用金發水之源。名獨水犯庚辛。號曰體全之象。八月壬水。專用甲木。庚金次之。

辛酉丁酉壬辰壬寅 龍虎拱天門。又曰壬趨良格。探花。

壬子己酉壬子庚戌 印旺身強。富大貴小。

丙子丁酉壬子己酉 身旺無依。一生貧苦。

庚午乙酉壬子甲辰 庚甲兩透。詞林。

九月壬水進氣。其性將厚。若一派壬水。見一甲制戌中之戊。戊又出于斯。用丙火。此格

清貴極矣。正合一將當門。羣邪自伏。或不見丙戊。亦不爲妙。或一派戊土。無一己庚。雜亂得一甲透時。干玉堂清貴。卽甲透月上。亦主科甲。若支藏己土。一榜可圖。或庚透乏丁。貧賤之人。或丁透見甲。略貴。或水多乏丙者。又用戊土。常人用土者。火妻土子。九月壬水。專用甲木。次用丙火。

丙寅戊戌壬戌辛丑 身旺官旺。又得丙透。參政。

辛丑戊戌壬戌甲辰 支成四庫。一甲透時。太史。

十月壬水司權。至旺之極。取戊爲用。若生辰日干。又見辰時。必須戊透。又須庚制甲。不傷戊土。戊庚兩全。定主登科及第。位顯權高。或甲出制戊。不見庚救者。斷之困窮。戊藏無制。可許生員。或戊庚兩透無甲者。亦主榮顯。或支成木局。有甲乙出干。得庚透者。富貴。無庚者。平常。或支成水局。不見戊己。爲潤下格。運行西北。大富貴。行東南者。必危。或丙戊兩透。行火土運。名利雙成。或有丙無戊。可云衣祿。有戊無丙。難許堆盈。十月壬水。專用戊丙。次取庚金。

庚子丁亥壬戌庚戌 得庚制甲。會元。

壬申辛亥壬子辛亥 支見亥子。四柱無戊。名旺盛無依。為僧。

十一月壬水。陽刃幫身。較前更旺。先取戊土。次用丙火。丙戌兩透。富貴榮華。有戊無丙。略可言富。有丙無戊。好謀無成。或支成水局。丙不出干。卽有戊土。亦係庸人。或丙透得所。卽戊藏支。亦可顯達。須運得用。方妙。或支成火局。一富而已。或比見月時。年見丁火。平常之輩。支成四庫。富貴中人。或丁出時干。名爲爭合。主名利難成。或壬子曰丁未時。雖不能科甲。亦有恩榮何也。蓋用子中癸水爲官。號曰用神得地。亦主榮華。十二月壬水。丙戊並用。

壬寅壬子壬寅壬寅 天元一氣。殺旺得地。侍郎。

壬子壬子壬子甲辰 飛天祿馬格。尙書。

十二月壬水。旺極復衰。何也。上半月癸辛主事。故旺。專用丙火。下半月己土主事。故衰。亦用丙火。甲木佐之。有丙解凍。名利雙全。丙透甲出。科甲之貴。然四柱無壬。方妙。無

丙單寒之士。或四柱多壬。戊透制之。衣衿可望。或丁出時干。化成木。月干又見丁火。無癸破格。亦主富貴。或支成金局。不見丙丁。名金寒水冷。一世孤貧。見火略可。卽丙透遇辛。亦不爲妙。見丁頗吉。臘月壬水。先取丙火。丁甲爲佐。故水冷金寒。愛丙丁用火者。木妻火子。水旺居垣。須有智。水土混雜。必愚頑。壬癸路經南域。主健富貴堪圖。又云。惟有水木傷官格。才官相見。始爲歡。

正月癸水。值三陽之候。兩露之精。其性至柔。先用辛金生癸水之源。次用丙火照暖。名陰陽和合。萬物發生。辛丙兩透。金榜有名。或支成火局。辛金受傷。有壬出救者。富貴無干者。貧窮。或丙出天干。辛在酉丑。亦有衣衿。若辛丙皆無。貧寒下格。或辛透丙藏。恩榮之造。丙辛在柱。以富得官。或戊透月上坐辰時。不見比劫。丙丁出干。此爲化合。定主腰金。見刑沖則否。或支成水局。宜有丙透。無壬者。衣祿不少。若見丙火重重。又作貴推。正月癸水。辛金爲主。庚金次之。丙亦不可少。若無庚辛。雖有丙火。無用之人。或火多土多。殘疾不免。用辛者。土妻金子。

二月癸水。不剛不柔。乙木司令。洩弱元神。專用庚金爲用。辛金次之。庚辛俱透。無丁出干者。貴由科甲。無庚辛者。常人。或庚透辛藏。榮封有准。庚藏辛透。亦有衣衿。庚辛兩藏。富中取貴。或刀筆揚名。或庚辛重見。有己丁出干者。亦貴。或支成木局。月時又見木者。爲洩水太過。定主貧困。多災。卽運入西方。亦屬無用。

丁未癸卯癸亥癸丑。火土傷官。又名飛天祿馬格。方伯。

丁亥癸卯癸卯癸丑。用丑中辛金。又丁火出干。侍郎。

庚子己卯癸酉庚申。庚辛兩透。位至閣老。

三月癸水。要分清明穀雨清明後。火氣未熾。專用丙火。爲陰陽和諧。穀雨後。雖用丙火。尙宜辛申佐之。三月癸水。從化者多。得化者榮祿。不化者平常。如辛卯壬辰癸未丙辰。生上半月。用丙火顯達。生下半月。無傷辛金。癸水方妙。然丙亦不可少。用丙木妻火子。或支成水局。又見己土。無木乃假殺格。有甲出者。常人。或支坐四庫。又得甲透。可謂顯達名揚。無甲者。僧道孤苦。或支成木局。無金名傷官。生才格。主聰明博學。衣

祿充饒。上半月土妻金子。三月癸水。辛甲皆酌用。

丁酉甲辰癸亥辛酉 用辛無丙。辛金得所。俸人。

丙寅壬辰癸巳甲寅 上半月生。官至總兵。下半月生武舉。

戊午丙辰癸丑辛酉 生下半年。出將入相。

丙寅壬辰癸丑丙辰 才資殺格。駙馬。

四月癸水。喜辛金為用。無辛用庚。若辛庚不見。丁火加以壬透。主科名榮貴。聲播四夷。若有丁破格。貧無立錫。有壬可免。辛藏無丁。貢監衣衿。或一派火土乏辛。即有己庚亦不能生水。又無比肩羊刃。必至熬乾癸水。損目無疑。若庚壬兩透。洩制火土。名規印化晉極貴之造。丁見壬者則否。如有庚無壬。丁破金者。堪入儒林。有庚無辛者。異路成名。總之四月癸水專用辛金方妙。

甲辰己巳癸酉辛酉 辛透庚藏。身強殺旺。方伯。

甲寅己巳癸酉癸亥 才旺生官。尙書。

五月癸水。至弱無根。必須庚辛。爲生身之本。但丁火司權。金難敵火。安能滋養癸水。宜見比劫。方得庚辛之用。如庚辛透干。又見壬癸者。定主鐘鼎名家。或有金透。支見申子辰者。亦主金榜挂名。或無水出干。支只一水。雖有庚辛。一富之造。故曰水源會夏。富重貴輕。又曰金水會夏天。富貴永無邊。運行火土地。快樂似神仙。或支成火局。無壬出干。定主僧道。或二壬一庚同透。衣錦腰金。或一派己土無甲出制。此作從殺而論。又主大貴。凡從殺者。切不可破格方吉。五月癸水。庚辛壬參酌並用可也。

六月癸水。有上下月之分。下半年庚辛有氣。上半年庚辛休囚。凡六癸日多不驗者何也。俗士不明此理。因未中有乙己同宮。破而不破。故癸水不能從殺。所以專用庚辛。如上半月金神衰弱。火氣炎烈。宜比劫助身。可云富貴。與五月一理。下半年庚辛有氣。卽無比劫。亦可。又忌丁透。卽丁在支。亦不吉。其生尅制化。與五月略同。

乙酉癸未癸未庚申 下半年庚辛得地。宰輔。

己未辛未癸未丙辰 上半年庚辛尙弱。知州。

七月癸水。正母旺子相之時。癸雖死。申殊不知申中有庚生之名。死處逢生。弱中復強。卽運行西北。亦不死也。但庚司令。剛銳極矣。必取丁火爲用。或丁透有甲。名有骸之火。必主科甲。或丁透無甲。又無壬癸。卽有一二庚金。亦有生監。有二丁更妙。或金多乏丁制者。貧困之人。或一丁坐午。名獨方格。主金玉滿堂。富中取貴。若在未戌。則是常人。或柱見二戌二未。又得丙丁藏支。干見甲出。無水。亦作富貴而推。

丁酉戊申癸卯甲寅

傷官生財格。丁甲兩出。位至尙書。

戊午庚申癸未乙卯

丁火得位。大富壽考。子貴。

辛酉丙申癸酉辛酉

火無力。又被辛合。身旺無依。貧僧。

八月癸水。辛金虛靈。非頑金可比。正金白水清。故取辛金爲用。丙火佐之。名水暖金温。如丙與辛隔位同透。主科甲功名。或丙透辛藏。一榜之士。或土多尅水。生意中人。八月癸水。丙辛皆用。

庚寅乙酉癸亥丙辰

乙庚化金。以助辛。太守。

辛酉丁酉癸巳癸亥

金水多。丁透丙藏。四柱不雜。福壽綿長。

九月癸水。失令無根。戊土司權。尅制太過。專用辛金發水之源。要比肩滋甲制戊。方妙。或辛甲兩透。支見子癸。定主平步青雲。或癸甲兩透。富貴成名。或有甲辛無癸者。亦有恩封。或有甲癸無辛者。富大貴小。有甲無癸辛者。常人。三者俱無。貧賤之格。或有甲見壬者。頗許衣衿。九月癸水。辛甲並用。

癸亥丙戌癸卯甲寅

食神生才格。總督。

壬辰庚戌癸丑癸亥

甲辛俱無。爲人奴僕。

十月癸水。旺中有弱。何也。因亥搖木。洩散元神。宜用庚辛爲妙。得庚辛兩透。不見丁傷者。功名有准。或支成木局。有丁出干。爲木旺火相。制住庚辛不生水。必主清寒。或成木局。干見丙丁。異路之榮。或一派壬水。不見戊制。名冬冰汪洋。奔波到老。若得戊透。清貴堪誇。或四柱火多。名才多身弱。富屋貧人。或一派庚辛。得丁出制。主名利雙全。若不見丁。又主貧薄。

癸卯癸亥癸丑癸亥

天元一氣格。借無火土。

壬申辛亥癸亥壬子

飛天祿馬格。一進士。

十一月癸水。值冰凍之時。金水無交歡之象。專用丙火解凍。庶不致成冰。又要辛金滋扶。無丙有辛不妙。凡冬季癸水。有丙透解凍。則金溫水暖。兩兩相生。要不見壬透。自然登科及第。紫誥金封。或一派壬水。無丙出干。寒困之士。一派癸水。淫賤之流。或支成水局。得丙火重出干者。又主蟒袍玉帶之榮。或支成金局。丙火無踪者。芒鞋草履之流。如辛年丙月癸日。有火者。主恩榮寵錫。繞膝芝蘭。無火者。捐資得貴。位重當朝。若一派戊己。名殺重身輕。非貧卽夭。用火者。木妻火子。用辛者。土妻金子。

十二月癸水。寒極成冰。萬物不能舒泰。宜丙火解凍。或丙透年時。加以壬透。支中多戊。名水輔陽光。主顯達名臣。無戊者。異途之職。若有丙無壬。鬻門之客。有壬無丙。戊又出干者。皂隸之流。或支見子丑。比肩出干。卽有丙透。不能解凍。此屬平常。或無癸水。有辛與合。亦不爲美。有丁出頗吉。或一片癸己會黨。年透丁火。名雪後燈光。夜生者。

貴。日生者否。若無丁火。又主孤貧。或支成水局。無丙者四海爲家。一生勞苦。或支成火局。有庚辛透者。衣食充足。無金出孤苦零丁。或支成金局。丙透得地。名金温水暖。彼此相生。定許光大門閭。聲馳翰苑。乏丙者卽文章駭世。總屬孫山。或支成木局。洩水太過。主殘病呻吟。得金出干輔救。藝技之流。凡冬月用丙。須丙火得地方妙。不然卽重重丙火出干。安能許富貴哉。

增補月談賦

蓋夫窮通造化。入聖超凡。命不易設。書當熟記。欲曉生平造化。當知二路推詳。氣有盈虛進退。格有清濁從違。格有可取不可取。用有當去不當去。財官弱而日主旺。須行財運之鄉。方行合道。日主弱而財官旺。又臨財官之地。爲禍不輕。大抵財與官要旺。煞同傷宜靜。重濁炎頑者賤。刑冲尅害者孤。駁雜偏枯。先爵祿而後夭貧。中和純粹。始貧賤而終富貴。命主一世之悲歡。運察流年之否泰。年月見父母之優劣。日時識妻子之賢愚。以財爲父。以印爲母。財印兩全。椿父也萱母也並茂。陰陽失位。父母俱亡。財源被劫。父命

先亡。印綬被傷。母年早喪。財星得祿。父命長春。比肩扶身。兄弟酒樂。若相刑則彫零煞官混雜。

棠棣飄零。年旺文魁。又云官冠父子亦然。官居臺閣。日時又云生財。正貴。兄弟位到朝班。四柱

逢官。又云逢生逢財定主田連阡陌也。廣三官見官。或得貴須知子貴夫榮。又云棠棣之華男以旺財為妻。

正官為子。財得祿而妻賢。官得祿而子貴。傷梟兩備。又云傷日切重子懦妻愚。財絕官囚。妻也妻

遲子晚。女命食旺官透。又云殺透子秀貴也夫榮。印旺官輕。坐堂招夫。男逢財多身弱。離

祖求婚。偏財若見劫。定損妻和妾。正官若見傷。有子各離鄉。官輕入幕也。庫也內只好作然必

貌偏官。煞旺庫中藏。只好作到底偏房。官弱又值遇也傷。一子終難到老。財輕再逢劫。比

也。三妻未許齊眉。財入庫而妻離。官入庫而子散。又云旺相滿眼兒孫。定是五官見貴。百年

夫妻皆因七位逢生。又云馬財帶祿無傷或運絕逢生財旺生官。夫唱婦隨。馬凶帶祿。貫朽粟陳。正官

弱。衰也傷官旺。必主孫承後裔。正財隱也。休偏財透。終須妾奪妻權。或妻奪夫權父南子北。身居

絕地。兄楚弟秦。命落空亡。官貴埋頭。賣男鬻女。財星帶耗。棄子離妻。財旺生官。夫婦如

漆如膠。比多煞備。或刃重兄弟如蝎如蛇。官被傷。或日重傷財被劫。或時重劫妻離子散。食逢梟。印

逢財。家破人亡。日逢劫。時逢傷。妻亡產蕩。歲逢煞。月逢或年傷。兄弟囹圄。財盛劫重。奪

兄弟之妻為妾。傷官太旺。抱姊妹之子為兒。四柱逢官。三嫁重夫。焉能到老。滿盤偏印。

即鼻神。半子早得無虧。食神生旺。財四五六男可許。官強或官化印。七八九子堪誇。財官

印合。或云正財合和可羨妻妾。官食得祿。或正偏官合堪誇子孫。孫妻醜無能。定主財臨絕

地。子愚不肖。比云羔柴哭泣。或言子星跨竈皆因官入囚宮。或官殺滿盤。又五位逢生正財旺。偏財絕。戚氏遭逢呂

后。正官弱。偏財旺。或正官強而正印旺太公得遇文王。或云后妃德配太王煞旺身強。始作終身發達。煞輕

制重。為人到底遭迍。一也。孤官顯露。遇子論荆西五馬。一也。獨食清高。子許河東三鳳。財輕

被劫。或傷強官弱莊子鼓盆之歌。官居傷官駕煞。顏路請子之車。即哭子之期七煞掛兩頭。東野到

老無後。四柱見傷官。伯道至死無兒。滿盤七煞。羔柴有泣血之憂。四柱傷官。子夏有喪

明之痛。郭巨連埋其子。只為時逢七殺。呂公既喪多兒。吳起連喪二妻亦然皆因財命被傷。正官

逢一位。荀氏產八龍。傷官立四支。顏路哭悲兒。印旺食清。定論根基深厚。財藏官透。須

知家業興隆。印綬遭傷。祖業終是難守。財輕被劫。家園豈不凋零。年冲月令。破祖離鄉。

之客。財輕劫耗。風流浪蕩之人。印綬若逢官。正官逢官亦然。定許入朝班。印綬若逢財。官非日
日來。正官逢正印。名利自然順。正官逢正財。舉步上金階。正官入幕鄉。破尅退田庄。正
官落囚刑。家業漸消停。一官一重傷。財輕破尅退田庄。三官若無印。身柔家業消磨盡。
正財若逢印。祖業根基盛。財多逢比助。或逢印助。官旺人殷富。財輕逢劫比。家資益落底。本底
也。財輕若見劫。家務湯潑雪。傷官若逢財。富貴自天來。傷官若逢印。壽數富貴亦然綿綿。閑
之。定。傷官若逢官。災殃自生端。傷官若值。又見。傷晚景。無靠。要離鄉。遠。食神若逢印。田
產年年進。食神若逢梟。家資漸漸消。身旺財官旺。富貴壓鄉黨。身弱財官絕。或食生財。退
散家休歇。五行得均平。局中和也。富貴享遐齡。三奇印財官也。格若全。福壽永綿綿。傷入官途。君
子休官罷職。財臨絕地。庶人家破人亡。或云離鄉。獨印逢財。定斷魂歸獄地。一官遭破。當推
命入黃泉。七位逢空。周帝有柴郎之立。五官尅陷。陽彪有舐犢之悲。偏枯多火折。駁雜
主孤貧。富貴不易測。生死安足論。損用者十死八九。冲提者五防三四。財輕逢劫死。刃
重見財亡。身旺逢印死。身弱遇財凶。貪財被印天元盡。衆劫分財氣數終。用食逢梟災

莫測。用財見劫。命難醫。煞重身輕。殺掛根而壽夭。傷強主弱。陽絕主強亦然。傷入幕。以身亡。五

行格局皆傷。急急尋條歸路。四柱財官俱敗。忙忙打點前程。一印逢生。四柱有傷何害。

有特無恐。滿盤死絕。俱敗也。二星有救無憂。財被劫。當推強弱。官入庫。須辨陰陽。命神入水。身

投波壽。食神逢梟。尸逢道路。殺重劫多。父亡外土。傷梟兩備。子喪他邦。比劫重重。馬踏

摧傷定論。縱橫鬼殺。雷打虎傷無疑。財印交逢。身遭波濤而死。伏屍會刃。命隨山野而

亡。衆殺隨身。不投河而自刎。或是吊頸。羣凶入命。非產死以懸梁。七殺會命。徒流笞杖難逃。

三刑遇劫。肩枷帶鎖之憂。水孛逢刑。不缺唇而異齒。火羅帶耗。非禿頭而面巴。甲乙旺

而戊己虛。面皮黃腫。壬癸旺而丙丁弱。眼目朦朧。金遇火羅。必主病連肺腑。火盛水孛。

多因命在膏肓。目暗耳聾。主弱又云干弱。又行殺地。又壬干柔殺旺多喘疾。腰駝背曲。身柔更入傷途。

刃劫交加。命喪癩痘。天花也。闌干血刃。身生瘰癧。日日奉迎。蓋身財併旺逢二德。或身旺刃強

年年官訟。皆因天獄纏宮。病生於臍。只因金遭火尅。杲卿割舌。皆因木備金傷。比干剖

心血。蠱臨於命。度紀信剛烈。火羅糾於十宮。七殺無制。韓信功勞罔大。食又云金。神入水。

屈原身死汨羅。或云德以從情受屈投河祿破一云敗馬傾項羽烏江自刎。官囚印絕。虞姬九里身亡。

殺重身輕。顏子難逃定數。身輕印重。彭祖因獲長年。木向春生。處世安然有壽。主仁古

者水歸冬旺。生平樂自無憂。比云漢曹官印逢梟。曾參篤實。財官俱旺。子路剛方。金水

輔陽。堪言貌勝潘安。印綬俱停。不減顏回之樂。財官旺相。必作陶朱之富。命坐強宮。定

主田連阡陌。身臨財地。定主銀谷倉廩。祿榮貴顯。金馬玉堂之士。身囚印絕。貧居陋巷。

寒儒。勇敵千人。只因刃強。又云外臨駕殺。心通萬卷。皆因身旺逢官。得佐聖君。貴在冲官逢

合。凡人性情善惡。只因格局安排。木主仁。水主智。金主義。火主禮。土主信。木盛者温良。

恭儉。土薄者妄語虛談。戊己盛朋友有信。丙丁旺作事無成。一云老成者水泛木浮。漂蕩無

依。火烈金鎔。淹留有着。金木交戰。仁義少。水火遞互。是非多。四柱帶合。見人面談非常。

冲破無恒。開口言人不義。合多貴衆。和公散事之人。死絕休囚。歸魂黑獄之輩。六害虛

耗。奴僕來來往往。四柱刑冲。或云干兄弟是是非非。金火炎頑。必是閨門婢女。水土重

濁。定爲田野農夫。陰絕陽空。賊贓堂前使喚。官純印粹。珍珠簾內夫人。二印持身。三選

教子。一官清貴。四海揚名。男子最宜健旺。女子身用純和。欲知賢如孟母。天月二德同宮。欲知貌似西施。水孛金星同度。官旺招夫貴顯。食清產子英賢。學堂逢驛馬。自幼讀書明敏。魁罡帶七殺。生平性傲剛強。印旺身旺。自幼愛居市井。殺淺財淺。平生喜走衙門。身財俱旺。一生樂守家園。身財俱弱。到底難守祖業。長生坐命。儒風獨守清規。貴德臨身。德行渾然服衆。五行生旺。定爲慷慨男兒。四柱休囚。必是衰憊老漢。三奇得遇。名爲陣上將軍。四柱同生。定主朝中宰相。七殺會同。爲鹵莽剛強之士。一官又云正財騎馬。乃聰明巧智之人。印綬多爲人俊雅。食神旺處世公平。凶惡機關。比肩重而有傷。中和質樸。正官旺而相生。傷官駕殺必聰明。印綬逢官性慈善。若印相生其性最善水濁金頑。不識十文百字。火明木秀。能通五典三墳。是有品之人傷重鼻多。是好說是非之輩。殺重不顯。乃好爲盜賊之徒。財帛逢金。吐鳳雕龍之士。金移入火。敲銅打鐵之人。七殺會刃。好舞鎗把刀。劍傷官逢印。或殺或駕能通書畫琴棋。運入梟一云鄉。自被墻垣倒損。身臨或時絕地。須知椅檯塵埃。或提燈命重傷官。鄭國奔來衛國。命全三合。東家攬到西家。夜夜憂愁。命帶

三刑六害。或是刑害。朝朝燕飲。格中印綬逢財。或逢殺亂也。官重。可強可弱。或云作強作盜。身衰

印絕。或爲奴爲僕。財絕用囚。或逢官身囚。自幼出家禮佛。官衰主旺。少年離祖參禪。殺強無

印。欲遊泮水不登科。身旺無財。或云身旺財損。財縱是出家難脫俗。財絕當爲僧道。官囚好作尼

姑。日隨逢聚。或云天元奉聚。六位定逢恩德。爲僕遷移。一云侯命宮獨守離。星陰陽絕空。

蓬垢堂前使喚。五行全備。可羨美貌花容。七殺會刃。盧氏引刀剔目。一官清秀。孟光舉

案齊眉。官印扶身。倚戶倚門求活。水金纏度。踰垣鑽穴相窺。丙辛戊癸相交。偷情於月

下。甲己丁壬姤合。舞樂以搏鐘。官弱財強。先偏而後正。傷官印綬。先妾而後妻。男多女

少。皆因陽盛陰衰。男少女多。只爲陰神太重。榮華生于中和。夭折乘于偏枯。金水傷官

得令。五經魁首文章。比肩成局。當爲幾度新郎。常伴新郎。一路三刑六害。一舉登科。定

爲三合六合。讀書廣識。時上逢生。多學少成。日干遇絕。強弱多少。定富貴於天干。刑冲


尅害。合貴賤於地支。神藏殺沒。有福之人。祿空官乏。無用之輩。財地逢生。積粟千倉。萬

庫祿位遇絕。作事七顛八倒。丑戌日時。不生不養。未辰兩地。育產難憑。子午日月相冲。

當駝當跛。寅申年月相對。非聾非啞。二午兩沖。妻必重婚。三庚未己。父生未見。辛日子時。定有三分秀氣。甲子日子生時。一生公道。己亥日生丁卯。百奸千狡。丑日丑時。公平長厚。酉月卯日。定是柔奸。子月卯日辰時。長妻心賤。辰月辰日辰時。一子不能送終。辰戌丑未相刑。非聾非啞。子午卯酉沖破。非癱卽跛。乙木陰年。十有九是寡婦。酉年火日。五有三四鰥居。命定四惡。婦人多主孀居。陽刃一度。男人必然無子。兩刃逢於年月。必尅妻。兩刃三刑。日雖強而反惡。三刑三刃。元辰弱受孤寡。甲日辛宮。相命榮華之客。己日申宮。貪合貧賤之徒。強而無印無官。非僧卽道。旺而無才無煞。非道卽僧。年月沖時。日合屠沽之輩。年月合日時。沖。賤業之流。乙木殺強。壽元三九必終。兩火疊官。卅旬之客。一殺三財。雙水。火。瞽目之人。子午日時。雙女。爲遺腹所生。丑未命宮相對。下地無娘。丁火日月逢戊己官。爲寅卯。終爲盜賊。己巳遇甲乙宮。子午而死於地坑。一木逢卯木時。情同肝肺。壬水年生寅時。非貧卽夭。丙日生身逢尅。壽不長年。四柱官旺。休見官方。三元財劫。難以招財。五位死提綱。富而無子。年月財官逢馬。人稱爲廊廟之才。時日七

殺陽刃。一心要弄刀舞鎗。日月逢梟。貧賤之士。四刑四尅。逢四正。淫而奸險。一合二合。而再合。忠厚心良。日下乘空。不受雙親之福。日逢死絕。難逃顏子之悲。時下死元身。終年哭子。時頭坐下。劫年兩哭妻。日值財時逢劫。父興子敗。時尅日辰。養子不遵父命。時犯天空。養子不肖。耗敗破財。不是成家之輩。時休冲宮。田無屋無。朝夕奔走。難致糊口。暗耗敗損。街頭叫賣。大耗重逢。五行不可太過。八字定要中和。入格須嫌填實。合局最忌刑冲。學習須當熟記。本是江湖神斷。食神制煞生財。富貴雙全。食神制煞逢梟。不貧則天財逢煞黨。夭折童年。殺無刃不顯。刃無殺不威。殺刃雙全。功名顯達。身旺財衰。運行財官發富。女命傷官須再嫁。男人羊刃必重婚。甲乙遇金強。魂歸西北。庚辛逢火旺。氣散南離。城牆上至木地而愁傷。財官俱旺。得父貲財。年上傷官。父母不全。時上傷官。子女不力。傷官見官。終年必損成家之子。傷官夾殺。不跛就瞎。殺重制輕。身若旺。終須顯達。羊刃傷官同制殺。黃榜標名。辰戌丑未遇刑冲。無人不發。金水傷官最聰明。木火傷官終顯達。土衰水竭。破祖離鄉之客。火炎土燥。晦性昏迷之人。年冲月令。終離祖。日

破提綱定損妻。印旺運入財鄉。自然家肥屋潤。印輕運行財地。忽然夢入南柯。夫星入墓。夫先死。食神入墓。子必亡。辰戌丑未四時孤。格內全之總不如。男命犯之爲孤獨。女命犯之作尼姑。命理精微。難逃斯論。搜骨切髓如此。學者誰可忽諸。誠哉命理之至符。吾於高明有厚望焉。



上海文書局發行

歷史地理地圖各書

增修 補注 正續歷代通鑑輯覽 <small>中紙四十冊 洋紙全四冊</small>	釋清鑑輯覽	清史紀事本末	太平天國野史	英國海軍秘史	廬山導游	北京便覽	袖珍北京備覽	白話中國地理	白話中國歷史	中華民國分道大地圖	中華民國大地圖
十二冊	八冊	一冊	二冊	一冊	一冊	一冊	一冊	二冊	二冊	一冊	一冊
十四元	三元	二元	一元四角	八角	二元	一元八角	三角	六角	六角	七角	七角

各省中華書局經售

上海文明書局發行

學 校 國 文 成 績

本局廣徵各省男女各學校國文成績摺其精華分類編次以資觀摩而示規範現將優點列於左

(一)體裁各體俱備不拘一格亦不分長短先後總以合於小學程度藉收宏觀而善之效

(二)所選皆學生原作間或稍加潤飾亦以不失原意爲主

(三)評語圈點詳明切當俾可一覽了然

(四)所選均出小學校學生之手小學生讀之不特獲無數法門且

不啻得無數良友

- 直隸省國文成績
- 奉天省國文成績
- 廣東省國文成績
- 江蘇省國文成績
- 浙江省國文成績
- 湖北省國文成績
- 福建省國文成績
- 江西省國文成績
- 安徽省國文成績

- 一冊 二角
- 六冊 一元二角
- 四冊 八角
- 六冊 一元二角
- 二冊 四角
- 二冊 四角
- 二冊 四角
- 二冊 四角
- 二冊 四角

———
 中 華 經 售 局

中華民國十五年一月出版
中華民國十五年一月發行



分售處

通 天 寶 鏡 誌 (合一冊) 命

每部定價洋三角

校勘者 江甯秦慎安

發行者 文明書局

印刷者 上海南京路 文明書局

發行所 上海棋盤街 文明書局

發行所 上海棋盤街 中華書局

中 華 書 局

北京 天津 滄口 保定 石家莊 濟南 太原 開封 西安 成都
重慶 長沙 常德 衡州 漢口 武昌 沙市 南昌 九江 安慶
吉林 南京 杭州 蘇州 蕪湖 廈門 汕頭 潮州 雲南 奉天
青島 煙台 鄒州 青島 東昌 徐州 蘭州 貴陽 長春 新加坡

2
009060

